

# XANA NDZI NGA

## HLURISA KU YINI?

 A hi korhamiseni tinhloko ta hina hikokwalaho ka xikhongelo.

Tata wa hina, ha Ku khensa, mixo lowu, hikokwalaho ka nkarhi lowu wa kahle wa ku hlangana kun'we nakambe, na le ka ku pfuriwa ka Rito ra Hosi, Ri nga andlariwa emahlweni ka hina. Kutani—kutani hi xikhongelo sweswi, leswaku Moya lowo Kwetsima wu ta teka leswi swi nga Xikwembu, nakona wu Swi tisa eka hina, leswaku hi ta suka eka ndhawu leyi ya ku gandzela namunthla ni timbilu leti nga tala hi ntsako. Hi vona matimba ya ntshuxeko lowukulu ya Wena, Hosi, hilaha ya humesaka hlonga ni ku n'wi ntshuxa, ya hi tivisa "swilo leswi a swi ri kona, na leswi nga kona, na leswi nga ta ta." Kutani ntsena ha Ku khensa hikokwalaho ka swilo leswi.

<sup>2</sup> Ha khongela leswaku U ta hi katekisa tani hi loko hi hlaya Rito ra Wena sweswi kun'we. Kutani loko hi famba, ingaku swi nga vuriya etimbilwini ta hina, loko hi ri karhi hi famba kwala ndleleni, "Timbilu ta hina ti pfurhile endzeni ka hina loko Wona, Moya lowo Kwetsima, wu vulavula na hina loko hi ri endleleni."

<sup>3</sup> Katekisa muministara un'wana na un'wana namunthla, hinkwako-nkwako, malandza ya Wena lawa ya yimeleke Lowu, Ntiyiso wa Wena. Hlamula swikhongelo swa vona hikokwalaho ka vavabyi. Horisa mimiri leyi vabyaka ya lava va xanisekaka.

<sup>4</sup> Hosi, hi ta kombela leswaku U ya ehandle exikarhi ka vanhu kutani u ya lava mbewu liya yi nga hlawuleriwa emahlweni ehandle lahaya, Hosi, kutani u yi tisa ekusuhi, hi ndlela yin'wana, leswaku ku Vonakala ku ta wa ku tsemakanya ndlela, Hosi. Hikuva, hi pfumela leswaku awara yi le ku heleni, dyambu ri le ku nyupeleni hi xihatla evupela-dyambu, kutani ku ngari khale ku tava leswaku "nkarhi a wu nga havi kona." Nkarhi na hilaha ku nga Heriki swi ta hlangana kun'we loko Xikwembu na vanhu va Xona va hlangana kun'we. Kutani ha khongela, Xikwembu, leswaku, hi nkarhi walowo, leswaku hi ta hlayiwa exikarhi ka lavaya va nga tava va hlanganisiwile na Kreste, lava va vuriwaka Mutekiwa wa Yena.

Hi pfunе, namunthla, tani hi loko hi lulamisela, hi ri karhi hi nga swi tivi leswi mundzuku a nga ta swi khoma, kambe hi lulamerile ku amukela xin'wana na xin'wana, Hosi, hilaha hi tivaka hakona, leswi Wena u nga na swona eka hina. Hi lunghekerile ku Swi amukela. Hi kombela nkateko lowu

hikokwalaho ka ku kwetsima ka Xikwembu, hi Vito ra Yesu Kreste. Amen.

Mi nga tshama ehansi.

<sup>5</sup> Hakunene a ndzi tsakile, mixo lowu, loko ndzi nghena kutani ndzi vona leswaku e—e vanhu va hlengeletanile kun'we hikokwalaho ka ntirho wa Hosi. Nakona hi le ku nyikeni ka xitiviso sweswi xa vusiku bya namuntlha. Ku tava na xikhongelo xo horisa vusiku bya namuntlha. Hi tava hi ri karhi hi khongelela vavabyi, vusiku bya namuntlha. Ntsena nkarhi nyana lowu nga hundza, va . . .

<sup>6</sup> Loko ndzi ri karhi ndzi nghena, Billy, jaha ra mina, u ndzi byerile, a ku, "Ku na e—e wanuna un'wana lahawani, loyi ntsena a nga mbuyangwani loyi a nga chayela ku suka eka mpfhuka wo leha." Kutani a ku, "Ndzi—ndzi n'wi vekile ekamareni, Papa."

<sup>7</sup> Ndzi—ndzi fikile ku ri leti vusiku bya tolo, nakona—nakona a ndzi kotanga ku hlaya ngopfu hi dyondzo ya xikolo xa Sonto ley i a ndzi ya vulavula hi yona, mixo lowu. Swingaleswi ndzi tekile tinotsi tintsongo nyana leti ndzi nga ti teka eka leswi ndzi nga twa makwerhu un'wana a swi vula, kutani ndzi teka tsalwa eka sweswo, ku endlela kuva na dyondzo ya xikolo xa Sonto mixo lowu; na loko ha ha lulamisa, na ku lunghekela xikhongelo xa ni madyambu.

<sup>8</sup> Kutani Billy u teri, "Kuna wanuna lahaya loyi a vabyaka." A ku, "Ndzi—ndzi—ndzi navela ingaku u ngaya kwalahaya u ya n'wi vona." Swingaleswi, ndzi yile ekamareni sweswi nyana. Nakona makwerhu wo ringana na mina, na nsati wa yena, a va tshamile kwalahaya. Kutani Moya lowo Kwetsima wu enhlerile exikarhi ka hina ekamareni sweswi nyana.

<sup>9</sup> Ntsena ehleketani, ntsena ku vulavula hi xikhongelo xa ku horisa, kutani Wu va wu ri kona. Wa vona? Nakona wu byerile makwerhu loyi hinkwaswo mayelana na leswi a nga swi endla, na leswi a ri karhi a swi endla, na leswi swi nga vanga xiphiqo xa yena, na laha a huma kona, na hinkwaswo hi mayelana na yena. Nakona a kuri na ndzhuti lowukulu wa munyama lowu a wu lenga-lenga ekamareni. Kutani wu sungurile ku vonakala, ku vonakala, ku vonakala, na ku vonakala, kutani Moya lowo Kwetsima wu teka ndhawu.

<sup>10</sup> Sweswi, ndzi ehleketa leswaku wanuna u le . . . kun'wana endzhaku lahawani sweswi. Yena na nsati wa yena kumbexani a va swi koti ku nghena endzeni ka muako, kambe va vurile leswaku va ta tshama, hambi swiritano, hikokwalaho ka xikhongelo. Va tile ku suka kwala kusuhi, ekusuhi na Yakima, Washington, kutani va chayela ku ta kwala. Nakona hi yena muministara wa Evhangeli.

Kambe ntsena ku vona tintswalo ta—ta Xikwembu lahaya! Laha, wanuna a ri endzhawini naswona a ri eku tshunguriweni na hinkwaswo. Moya lowo Kwetsima wu ri karhi wu paluxa

hinkwaswo leswi. Loko, madokodela ma ringetile hi matimba ku endla hinkwaswo leswi a ma ta swi kota, kumbexani, eka wanuna, kambe ntsena swi tekile ku khumbha loku ntsongo ko karhi ku suka eka Xikwembu, ku hundzuluxa gandlati. Vutshunguri bya xitshuketa byi kahle, kambe byi fana na leswi hi nga swi vitanaka “ku balesa emunyameni,” ma swi tiva. N’wina, swi nga mi endla mi nyanya, wa vona, hikuva mi nga rivala swilo hinkwaswo leswi mi nga tshama mi swi tiva, loko va chela murhi luwa endzeni ka n’wina. Kambe Hosi Xikwembu, hilaha tintswalo ta Xona na ntsetselelo! Na loko ndzi nga se n’wi endlela rito ra xikhongelo, a swi herile khale. Wa vona? Ntsena swi tekile nchumu luwa wo karhi wa Xikwembu, ku khumbha lokuya, ku endla swona.

A ndzi nga fanelanga ku swi vula leswi. Ina. Ndzi langutisile lahaya, ndzi vona wanuna sweswi. Kunene, a ndzi nga swi tivi loko u ta fika namuntla, kumbe ee.

<sup>11</sup> Ehansi le tikweni leri a ndzi tshama kona, vhiki leri. Ndzi—ndzi—ndzi rhandza vanghana va mina lahaya hansi. I holidey yintsongo loko ku nga se va na tinhlengeletano letikulu, ma swi vona. Kutani ndzi yile ekaya, kuya rhelela kwalahaya na ku huma ndzi ya hlota vamaxinjani na vamakwerhu lava. Kutani ndyangu lowu, mindyangu, kumbexani, leyi ndzi tshamaka na yona kwalahaya, hakunene i vanhu lava rhandzekaka. Nakona wanuna, makwerhu wa xiviri, vanghana; hi leswi va nga xiswona.

Nakona un’wana wa vona i murhandzi lonkulu wa—wa timbyana to hlota. Kutani u na hoko leyi nga tala hi tona kwalahaya henhla. Kutani—kutani ndzi vonile ximbyanyana xo saseka ku tlurisa kwalahaya hansi, nakulorhi lontsongo, a kuri leswi a ndzi swi vula mayelana na sweswo, “hafu ya mbyana hi kuya ehenhla na timbyana timbirhi hi ku leha,” ma swi tiva, lexi—lexi a xi ri karhi xi tsutsuma ku rhendzeleka hi yindlu kwalahaya. Kutani ndzi ehleketa, “Mina, xana Joe a nga ta swi tsakela kuva na nchumu wo tani hi luwa!”

<sup>12</sup> Nakona, kunene, ehandle eArizona, u ngaka u nga xi tirhisi. Xi nga nghena emidorhweni, kutani yalawa a ya tava makumu ya xona. Swingaleswi ndzi virule, na mina leswaku, “A wu nge xi kumi. A va tirhisi timbyana lahaya, eka xiphemu lexiya xa tiko. Hikuva, vona, kunene, ntsena a va nga ta ti tirhisa. A ti ta... na tona, maxelo, e—e xiyimo xa tiko hi midorho, nakona a ti ta dlayiwa.” Kutani, i ntiyiso, mbyana ehandle lahaya, e—e hlolwa, kumbe xin’wana a xi ta yi dlaya, kumbexani, hi ndlela yin’wana, loko yo ya ehandle.

<sup>13</sup> Swingaleswi wanuna loyi u teri eka mina, “U nga titekela yona.” Kambe a ndzi—ndzi nga ta yi teka. Ndzi—ndzi yi khensile. Ndzi ta ndzi ta swi kuma, leswaku a kuri yin’wana ya timbyana leti a ti rhandzaka ngopfu.

<sup>14</sup> Nakona wanuna loyi u na xinsatani xo rhandzeka swinene na swihlangi leswintsongo. Kutani siku rin'wana, wansati u sungurile ku tlhentlhela ehandle hi movha wa nuna, nakona a ri na movha lowu wa Oldsmobile. Kutani mbyana leyintsongo ntsena a yi lehile ku fika *kwalano*, ntsena ximbyanyana. Kutani wansati u hundzile hi le henhla ka xona. Oldsmobile liya yi hundza hi le henhla ka ximbyanyana, hi le nhlaneni wa xona *lahawani*, ivi yi xi pfanyela ehansi, laha maribye epatwini ya nga tlhava xikhwidyana xa xona ehansi lahawani, ma swi tiva. Kutani—kutani nsati lontsongo, ematshan'wini yo tsutsumisela ximbyanyana eka dokodela wa swiharhi... Kunene, dokodela wa swiharhi ntsena a ta xi titivata xikan'we-kan'we, kutani swi xi dlaya. Wa vona?

A kuri na jaha rin'wana a ri ri na mina. Kute loko ri fikile kwalahaya, ri ku, "Loko liya a yi ri mbyana ya mina, a ndzi ta yi balesa." A ku, "Hi sweswo ntsena. Ku yi tshika yi xaniseka ku kotisa leswiya?"

<sup>15</sup> Ndzi ku, "Kunene, hi nga xi baleseli." Ndzi ku, "A hi yimeni nyana."

Ndzi susile vanhu hinkwavo, ivi ndzi ya ndzi ya xi khongelela. Ximbyanyana xi ndzi landzelerile kuya erikupakupeni. Kutani xi, [Nhlengeletano yi tlangela—Muhler.] ina, xi... Wa vona? "Swin'wana na swin'wana leswi mi swi navelaka, loko mi khongela, pfumelani leswaku mi ta swi kuma; mi ta swi kuma, mi ta nyikiwa swona." "Swin'wana na swin'wana." Xexo i Hosi Xikwembu xa hina. A hi swona xana? [Nhlengeletano yi ku, "Amen."] Xi—Xi kahle swinene na ku hlamarisa. Na swona hakunene ha Xi rhandza, mixo lowu; na ku Xi langutela, na ku swi tiva.

<sup>16</sup> Ndzi vonile, siku rin'wana, e—e varhandzani lava dyuhaleke, manana na tatana wa xirho xa kahle swinene xa nhlengeletano leyi—leyi ya vapfumeri. Nakona mana wa kona u, oho, ndzi tshembha leswaku u le kusuhi na dzana, na tata wa kona, na yena. Kutani ku ringana khume mbirhi wa malembe wanuna loyi a nga se tshama a famba; hi nhlana wa yena, ntsena u etlerile a ololokile. Kumbe, a ngata etlela hi rihlanguti ra yena, kumbe swin'wana. U tlerile kwalahaya ku ringana khume mbirhi wa malembe. Ntsena vudyuhari! Na swona mana wa kona swesi u le ka malembe ya yena, ndza tshembha, kun'wana ekusuhi na dzana, nakona mbuyangwana wa khale u le kusuhi ni ku lahlekeriwa hi vulawuri bya miehleketo ya yena. U ehleketa leswaku munhu un'wana u le ku tekeni ka hinkwaswo leswi a nga na swona.

Kutani ndzi langutile eka...ku tsemakanya tafula, eka hinkwerhu ka hina, lavantsongo na lavakulu, lava a va tshamile kwalahaya. Kutani ndzi ku, "Xana hi kongomile kwipi? Xana hi endla yini?" Na swona manana loyi a ndzi tshama na yena hi

nkarhi wa kona, yaloye a kuri manana na tatana wa yena. Kutani ndzi ku, “Mi kongomile ndlela yaleyo, na n’wina. Hakunene, un’wana na un’wana wa hina.” Wa vona?

<sup>17</sup> Ntsena ehleketa hi swona, ntsena xinkadyana, loko hi nga se sungula dyondzo ya hina. Kwalaho hi laha mi kongomeke kona. Xana mi kayakayela yini? Leswaku mi ta hanya. Xana mi hanya yini? Leswaku mi ta fa. Xana a swi nga tava vuphukuphuku byo tlurisa loko a hi nga amukelanga mbuva ya Xikwembu ya Vutomi lebyi nga Heriki? Xana a hi ta ehleketa hi mayelana na yini? Xana—xana i yini lexi a xi tava emiehlekeweni ya hina, lexi a xi ta koka rinkoko ra hina ku suka eka . . . kuya eka swin’wana na swin’wana? A swi to yini loko a mi ri na dzana ra mamiliyonu ya tidolara, na swona mi fuma tiko ra—ra Indiana, kumbe tiko rihi na rihi, kumbe hambi kuri rixaka, kumbe, hi mayelana na sweswo, misava hinkwayo?

Loko u hanya nkarhi wo leha ku ringanelu, u ta fanelu ku fika eka sweswo, na wena. Wa vona? Nakona nkarhi na nkarhi, siku na siku, nkarhi hinkwawo loko mbilu ya wena yi ba, u ya u kongomana na sweswo. Wa vona? Wena, ku hava ku hlula eka wena. U le ka tlhelo ro lahlekeriwa, nakona, wena, u fanele ku lahlekeriwa. Kambe tsundzuka xitshembhiso, xa leswaku, “Loyi a nga ta lahlekeriwa hi vutomi bya yena hikokwalaho ka Mina u ta byi kuma.” Sweswi, xana i yini lexi nga vaka rifuwo lerikulu ku tlula Vutomi, hambi loko u nga kuma misava hinkwayo yi va ya wena? Kambe, loko u—loko u kuma Vutomi, u kumile nchumu lowu kulukumba lowu nga kumekaka. Ndzi lava ku . . .

<sup>18</sup> Ndzi langutile eximatsini xa mina nakambe, sweswi nyana, sagwadi rin’wana ra tintswalo ta Hosi. Kwalomu ka mavhiki mantsongo lawa ya nga hundza, ndzi foneriwile eka riqingho. Kutani xirho xo rhandzeka xa kereke leyi, kumbe miri lowu . . . a ndzi lavi ku vitana leyi swonghasi tani hi kereke. Ndzi—ndzi lava ku vitana leyi, leswaku . . .

Tani hilaha a ndzi ri karhi ndzi vulavula na vanhu van’wana, va teri, “Kunene, xana u wela eka kereke yihi?”

Ndzi ku, “A ndzi welí . . .”

“Xana u wela eka dinominexini yihi?”

Ndzi ku, “Ku hava.”

Va ku, “Kunene, xana u wela kwíhi?”

Ndzi ku, “Eka Mfumo.”

<sup>19</sup> Eka Mfumo! “Nakona hi Moya wu ri wun’we hi khuvuleriwise eka Mfumo walowo.” Hi Moya wun’we, hinkwerhu, eka Mfumo lowu! Yesu u te, “Khongelani, ‘A ku te ku Fuma ka wena. Ku rhandza ka Wena a ku endliwe emisaveni, tani hilaha ku endliwaka eMatilweni.’” Sweswi, U yimile siku rin’wana emahlweni ka Ntshava ya Nkwetsimo, A ku, “Kunene Ndzi ri eka n’wina, leswaku van’wana lava nga yima kwala, a va

nge nantswi rifu, ku kondza va vona Mfumo wu ta hi matimba.” A swi kombisiwile khale, tani hilaha hi nga hundza eka swona, Ntshava ya Nkwetsimo. Nakona Bibele yi teri, “Mfumo wa Xikwembu wu le ndzeni ka n’wina.” Swingaleswi, lowu i Mfumo wa vanhu lava va hlambanyaka leswaku leri a hi kaya ra vona. Leri a hi kaya ra hina. Hi languterile ku Vuya ka Hosi, ku ta simeka Mfumo.

<sup>20</sup> Ndzi vitaniwile eka mhangu ya xitshuketa, ya e—e makwerhu wa mukhalabya loyi a ngava tani hi papa eka mina. Nakona u... A ndzi n’wi tivanga nkarhi wo leha, kambe ndzi tsundzuka siku leri ndzi nga n’wi teka lahawani hikokwalaho ka nkhuvulo wa mati. Kutani wanuna yaloye u tava na makume nkaye wa malembe ku ngari khale. Nakona nsati wakwe wo rhandzeku u ndzi fonerile, nakona leswu a ri muongori, u te, “U vile na ku tsandzeka ko hetiseka ka mbilu.” Ehandle ka sweswo, a ri na... Oho, ndzi vitana... ndzi ngaka ndzi nga ri vitani vito. Nhlaselwa mbilu. [Sesi a ku, “Minsihya ya mbilu.”—Muhleri.] Nhlaselwa minsihya ya mbilu. Ndza ku khensa. Nhlaselwa minsihya ya mbilu, na ku tsandzeka ko hetiseka ka mbilu. Dokodela a nga nyikanga ntshembho, na swintsongo. Nakona wanuna a ri ekufeni, kutani u ndzi vitanile.

<sup>21</sup> Kutani ndzi nghanile eka Ford ya mina leyintsongo ya xikhale, ivi ndzi sungula ku tlhandluka hi pato kuya e Ohio, hi matimba hilaha ndzi kotaka hakona. Nakona a ndzi nga swi tivi, rin’wana ra mavhilwa ya mina a ri humile elayinini, ri handzula thayere ku suka eka rona. Swingaleswi ndzi... fikile kwalahaya henhla. Ndzi humile exitichini xo chela mafurha, hi kwalomu ka awara ya khume n’we. A ndzi vilela hi mayelana na yena. Ndza—ndza n’wi rhandza. Naswona ndza swi tiva, loko—loko swi ya emahlweni, Hosi yi hlwela nyana, hikokwalaho ka yini, ku ngari khale kumbe endzhaku nyana, hi ta boheka ku lan’wana.

<sup>22</sup> Kambe, sweswo a swi nge tshimbisi ku Vutliwa, sweswi. Wa vona? Ee. Va ta rhanga va ta ku sungula hambi swi ri tano, manuku. Vona va katekile, lava fambeke. Va ta rhanga va ta ku sungula. Wa vona? Wa vona? “Hina lava hanyaka na ku sala, eku Vuyeni ka Hosi, hi ngaka hi nga rhangeli kumbe ku sivelala lavaya va nga etlela. Mhalamhala ya Xikwembu yi ta pfuma; lava nga fela eka Kreste va ta sungula va pfuka. Kutani loko matihlo ya hina ya vona varhandziwa va hina, kutani hi ta cinciwa, hi xinkadyana, hi ku copeta ka tihlo, kutani hi ta vutliwa swin’we na vona.” Wa vona? Lava va sungulaka va famba va katekile ku tlula lava va hanyaka.

<sup>23</sup> Kute loko ndzi huma exitichini, ntsena hi kwalomu ka awara ya khume n’we, Moya lowo Kwetsima wu ku eka mina, “U nga vileli hi mayelana na yena. U ta qhavula voko ra yena, exitarateni nakambe, nakona u ta ta ekerekeni,” wanuna wa makume nkaye-n’we wa malembe hi vukhale, a ri ekufeni.

Loko ndzi hlangana na nsati wa yena na varhandziwa va yena exibedlele eLima, va ndzi byerile hi mayelana na xiyimo xa yena. Ndzi nghenile, ndzi n'wi langutisa kwalahaya. U teri, “Kambe u na swin'wana leswi nga twisisekiki.” A ku, “U—u sungurile ku cincela ku antswa, hi awara ya khume n'we.” Kunene, nakona a ndzi ta... Hosi yi kombetile vanhu lavaya swilo swo tala swonghasi, va swi tiva leswaku a ndzi lo swi vula ntsena sweswo. Hikuva, va sungurile va swi byela mina, “U sungurile ku cinca.” A va swi tiva leswaku a ndzi ta va byela ntiyiso.

<sup>24</sup> Swingaleswi, hi Sonto lowu nga hundza, tani hi loko ndzi ri karhi ndzi nghena eBlue Boar Cafeteria eLouisville, laha ndzi ehleketa leswaku makume nhungu wa tiphesente ta nhlengeletano leyi yi hlengeletana kona hi Sonto ni ndzhengha, ku va va dya, xana i mani loyi ndzi nga n'wi vona a ri karhi a ta hi ku rhelela hi xitarata? Ndza mi byela, mbilu ya mina yi rhurhumerile loko ndzi vona Makwerhu wa hina Dauch a ri karhi a ta ku rhelela hi xitarata, ntsena hilaha Wu nga ndzi byela hakona. Ndzi qhavurile voko ra yena, e—e xitarateni.

<sup>25</sup> Kutani ndzi—ndzi vuyile endzhaku lahwani eka vusiku bya Sonto lowu nga hundza ndzi ya vulavula hi dyondzo ya vun'we, ya *Ku Hlangana Ka Xikombiso Xa Nkarhi*. Swingaleswi... Kutani sweswo swi humelerisile, ntsena leswi Wu nga swi vula. Kutani hi loyi a nga tshama kwala kerekene namuntlha, kona kwala na hina, tani hi sagwadi ra tintswalo ta Xikwembu. Loko ndza ha qhavula voko ra yena ehansi ka tende, tende ra moyo ler a ri ehansi ka rona, ndzi teri, “Makwerhu Dauch, u tava kahle. Ndzi ta tlhela ndzi ku vona ekerekene nakambe. Sweswo, sweswi hi LESWI HOSI YI SWI VULAKA.” Wa vona? Hi loyi a tshameke ekerekene, kona kwala sweswi, Makwerhu Dauch.

<sup>26</sup> Loko ndzi nga hoxisi, muchumayeri loyi a ndzi vulavula hi yena, xinkadyana nyana lexi nga hundza, Moya lowo Kwetsima wu nghenile kutani wu paluxa swilo leswi hinkwaswo; wu n'wi byela hilaha swi nga humelela hakona, na ku n'wi byela leswi a nga swi endla; hilaha swi nga humelela hakona, hilaha swi nga humelerisa xiswona, hinkwaswo leswi nga humelela ku sukela nkari luwa, na hambi kuri mahanyele ya ndyangu wa yena, na hinkwaswo mayelana na sweswo. Na ku n'wi byela, leswaku, “Swi herile.” Nakona muchumayeri u tshamile kona kwala, evokweni ra xinene. Xana u nga yimisa voko ra wena, nkulukumba? Lahaya, yena na nsati wa yena, hakanene, ntsena sweswi.

Lahawani ku tshamile Makwerhu Dauch, kona kwala sweswi. Oho, mina!

<sup>27</sup> Xana a Xi hlamarisi-ke? [Nhlengeletano yi ku, “Amen.”—Muhleri.] “Swilo leswiya a swi ri kona, leswi nga kona, na leswi nga ta humelela.” N'we, mbirhi, nharhu wa timbhoni. “Swilo

leswi a swi ri kona, leswi mi nga swi endla; swilo leswi nga eku humeeleni sweswi; na swilo leswi nga ta humeela.” Nakona nkarhi hinkwawo, hi ku kongoma, hi ku kongoma kuya hi Rito. Xexo i Xikwembu ntsena lexi nga endlaka sweswo. Oho! Xana a hi tsakanga ku tlurisa hikokwalaho ka swilo leswi? [“Amen.”]

<sup>28</sup> Sweswi, xivangelo xa kuva ndzi tekile xinkadyana xin’wana xo engetelela, Billy a fanele kuya a ya teka nsati wa yena na n’wana. Kutani u te, “Papa, u nga sunguli ku chumayela ku kondza ndzi vuya.” Swingaleswi, ndzi—ndzi ehleketa leswaku u vuyile sweswi. Nakona a ndzi fanele kuva na nkarhi wo tani hi wolowo, hambi swi ri tano. Kutani ndzi le ku ringetenka kuya ekule na tiawara ta mune leti ta ntshikelelo lowu ndzi mi vekaka hinkwenu ehansi ka wona lahawani, kutani ndzi ti endla makume nharhu-ntlhanu, makume mune wa timinetse, ma swi vona, na ku ringeta ku ti hlaysia.

<sup>29</sup> Sweswi, ndzi tshama ndzi ndhundhuzeriwa nkarhi wun’wana eChicago. Ndzi wu yisile eka makume nharhu wa timinetse, kumbe swin’wana, makume nharhu-ntlhanu wa timinetse. Nakona eka vusiku bya Sonto lowu nga hundza a kuri ntsena makume mune-ntlhanu wa timinetse. Billy u teri, “Hakunene u le ku tiantswiseni, papa. Ndza tinyungubyisa hi wena, hikokwalaho ka sweswo.”

<sup>30</sup> Kunene, kumbexani, mixo lowu, ku wu endla xifaniso xa xikolo xa Sonto, a ndzi nge mi khomeleti nkarhi wo leha. Kutani mi nga ha huma mi ya kuma swakudya swa n’wina swa ni nhlekani, na ku khongela, kutani mi vuyela endzhaku vusiku bya namuntlha eka swikhongelo swa ku horisa. Hi ya eku endleni ka layini ya xikhongelo vusiku bya namuntlha na ku khongelela vavabyi.

<sup>31</sup> Sweswi, loko mi tiva vanhu vahi na vahi kwala kusuhi, kun’wana na kun’wana, lava va vabyaka na kuva va lava ku khongeleriwa, mi va tisa lahawani vusiku bya namuntlha. Wa vona? Loko mi boheka ku va tisa, hi ndlela yin’wana, va tiseni kwala. Wa vona? Walowo i nchumu lowu kulukumba, i kuva, va tisiwa lahawani vusiku bya namuntlha. Hinkwerhu hi hlengeletana kun’we. Hi ndlela yaleyo... Swa tika ku vitanelia, ku famba ndhawu na ndhawu; kutani u siya munhu un’wana, nakona kuva na xikhomela. Kambe loko ndzo va kuma hinkwavo endhawini yin’we, kutani ndzi nga va khongelela. Sweswi, loko mi nga... Loko vanhu va lava ku khongeleriwa, va... Mi ri, “Va nga khongeleriwa?” Oho, hakunene. Va ta khongeleriwa. Vatiseni. Loko Hosi yi swi rhandza, hi tava hi ri kona, hi khongelela vanhu hinkwavo. Hikuva, ndza swi twa leswaku ku koka ka vunharhu ku le ku sunguleni ka ku famba-famba, ma swi vona, na—endzeni ka mina. Nakona ndzi—ndzi—ndzi lava ku khongelela munhu un’wana na un’wana.

<sup>32</sup> Sweswi a hi pfuleni, mixo lowu eka Tsalwa leri nga tolreveleka ra khale leri ndzi nga ri tlakula hi xihatla eka vusiku bya tolo, ndzi ri karhi ndzi khudzehela, kutani ndzi tsala Matsalwa ma ngari ma ngani mo famba na rona. Na ku teka tani hi ku vulavula nyana. Ndzi twile makwerhu un'wana, kan'we, a tirhisa tsalwa leri. Kutani ndzi ehlekete...ndzi ri tsarile ehansi. Ndzi ehleketeleswaku, “Kunene, ndzi pfumela leswaku ndzi ta tsala sweswo ehansi, hikuva swi nga ha ndzi pfuna.”

Minkarhi yo tala ha swi endla sweswo. Ndza swi lemuka, vo tala va n'wina lahawani, a mi ri na xiphemu xa phepha. Kutani muministara a ngava a ri karhi a vula swin'wana, kutani n'wina mi—n'wina mi ba mhaka yaleyo, swin'wana swi ta ba endzeni ka n'wina. Kutani loko Moya lowo Kwetsima wu ri karhi wu endla sweswo, kutani mi ta sungula ku aka ku suka eka mhaka yaleyo kwalano, hungu ra Hosi. Nakona sweswo swi lulamile. Ndzi swi lemukile etinhlengeletanweni, hinkwako laha mi yaka kona, ntseña vachumayeri na vanhu va ri karhi va tsala ehansi. Sweswo swi lulamile. Hi—hi lahawani, sweswo hi leswi hi nga tela swona lahawani, i ku ringeta ku pfuna un'wana eka un'wana kwala mapatwini lawa.

<sup>33</sup> Kutani sweswi a hi pfuleni eka Nhlavutelo, kavanyisa ka vu3, eka tinguva ta kereke, ku vuyelerisa nguva ya kereke. Kambe sweswi hi le...hi...lahaya. Ina. Ndzi nga ha teka tsalwa leri rin'we, kutani hi Moya lowo Kwetsima, ndzi chumayela hi Rona dzana ra malembe nakona ndzi nga pfuki ndzi humeserile leswi nga eka Rona ehandle. Hikuva, eka tsalwa leri rin'we, kukotisa laman'wana hinkwawo matsalwa ya Bibele, Ri bohiwile kun'we.

Nakona ndzi lava ku teka dyondzo ya mina, mixo lowu, eka leswi: *Xana Ndzi Nga Hlurisa Ku Yini?* Sweswi, ndzi hlawurile leswi hikuva ndzi ehleketa leswaku i nkarihi lowu hi nga fanelangiki ku tshika Moya wa mpfuxelelo wu fa. Hi fanele ku hlayisa mpfuxelelo, hi tshama hi pfuxelekile, siku rin'wana na rin'wana. Paul u virile leswaku a fanele ku “fa siku na siku, leswaku Kreste a ta hanya.” Kutani a hi fanelanga ku pfumelela mpfuxelelo wolowo wu fa, endzeni ka hina.

Sweswi, Nhlavutelo, kavanyisa ka vu3, ku sungula hi ndzimana ya vu21, hi hlaya leswi.

*Eka loyi a nga ta hlula Ndzi ta n'wi nyika ku tshama na mina e xiluvelweni xa mina, ku kotisa loko na Mina... ndzi hlurile, kutani ndzi tshamile na Tatana e xiluvelweni xa yena.*

*Loyi a nga ni tindleve, a yingise leswi Moya wu swi byelaka tikereke.*

<sup>34</sup> Xana mi ya lemukile e—e matshamele ya sweswo? Wa vona? “Ku tshama na Mina e xiluvelweni xa Mina,” ku ngari “ehenhla ka xiluvelo xa Mina.” “E Xiluvelweni xa Mina,” walowo i mfumo

wa Yena. Wa vona? Kutani lahaya, tani—tani hi leswi Kreste a nga Mufumi, Mufumi wa xiluvelo hi nkarhi lowu, xa mfumo lowu hetisekeke wa Xikwembu, swingaleswi na Kereke yi tava na Yena, Mutekiwa u tava na Yena, e xiluvelweni xa Yena, eka mfumo hinkwawo. Wa vona? Ku ngari “*ehenhla* ka xiluvelo xa Mina,” kambe “*e* xiluvelweni xa Mina,” wa vona, laha mfumo wa Yena wu fikaka kona. Xiluvelo xi le henhla ka mfumo, naswona—naswona mfumo wu fikelela ntsena ekule tani hilaha mindzelekano ya wona yi fikaka kona. Nakona lowu wu suka laha ku nga riki na ku Hela kuya laha ku nga riki na ku Hela. Ntsena ehleketa hi swona!

<sup>35</sup> Sweswi, loko hi ri karhi hi dyondza leswi, xikongomelo xa mina eka leswi a kova ntsena ku ta lahawani ku—ku tava na xinakulobye na n’wina vanhu. Laha, ndzi rhandzaka ku swi endla sweswo. Kambe loko—loko a ndzi ri na nkateko wo endla sweswo, a ndzi ta ta emakaya ya n’wina, ndzi ta qhavula mavoko ya n’wina na ku vulavula na n’wina, kutani ndzi tshama ehansi, ndzi dya swakudya swa ni nhlekanhi na n’wina; na ku tshama ehansi, ehansi ka nsinya wa ndzhuti, na ku vulavula na kuva na xinakulobye swa xinkadyana.

Kambe loko hi ta lahawani, hi lahawani hikokwalaho ka xikongomelo xo karhi. Leyi i yindlu ya ku lulamisa. Lexi i xiluvelo. Lexi i xiluvelo xa Xikwembu, na swona ku avanyisa ku huma ku suka endlwini ya Xikwembu. Na swona laha hi laha hi hlengeletanaka kun’we, hi hlengeletana hirirhandzu, na un’wana eka un’wana, tani hi leswi ku nga Vakreste ntsena lava nga rhandzaka. Kambe, kona kwala, hi le—hi le hansi ka—ka—ka—ka vurhangeri bya Moya lowo Kwetsima. Moya lowo Kwetsima wu le xikarhi ka hina. Nakona hi kona kwala kuva... . . . ku teka mianakanyo exikarhi ka hina, ku vona laha tindzhawu ta hina leti kayivelaka ti nga kona, swihoxo swa hina, na hilaha hi nga khomaka ku suka laha a hi fanelekuva kona, kuya laha hi faneleke kuva kona sweswi; laha hi nga kona, na laha hi faneleke kuva kona. Kutani sweswo hi leswi hi swi dyondzaka. Tiministara ti dyondza tindhawu teto, eka vanhu va ton. Loko ti vona vanhu, ku pfumala, kutani ti sungula eka sweswo.

<sup>36</sup> Sweswi, ku ngari khale, ndzi ehleketa leswaku kerekere kumbexani yi fanelekuva yi teka goza rintsongo kuya ehenhla hi nkarhi lowu. A ndzi kunguhati ku swi endla mixo lowu, swa ku kombisa swilo leswi. Kambe ndza—ndza ehleketa, ku ngari khale, loko Hosi yi swi rhandza, loko hi nga se chumayela hi Tinanga letiya, ndzi lava ku—ku—ku tisela Kereke ntsena nchumu wun’wana lowu—lowu mi faneleke ku wu tiva, ndza pfumela, sweswi.

<sup>37</sup> Kutani sweswi hi le ku vulavuleni hi leswi, “hi ku hlula.” Rito *ku hlula*, hakunene, ma swi tiva leswi ri vulaka swona. Mi fanelekuva na xin’wana kuva mi hlula. Kutani nguva leyti ya kerekere leyti Moya lowo Kwetsima a wuri karhi wu vulavula hi

yonahawani, eka Nguva ya Kereke ya Laodekiya, tani hilaha hi nga ha ku hundza eka yona, a yi lava ku tshinyiwa. Laodekiya a yi fanele ku tshinyiwa, hikokwalaho ka ku hambana ka yona—yona ku kongomana na Kreste. Yi humeserile Kreste ehandle, eka—eka nguva ya vona. Kutani Kreste a ri ehandle, a ri karhi a ringeta ku nghena endzeni. Rero i rirhandzu. Endzhaku ka loko A humeseriwe ehandle ka yindlu ya Yena N'winyi, a ri karhi a ringeta ku vuyela endzeni, kutani a ku, "Loyi a nga ta pfula nyangwa, ndzi ta nghena eka yena." Wa vona? Kereke, hi yoxe, hi ku angarhela, yi N'wi humeserile ehandle.

<sup>38</sup> Kambe sweswi xiyisisani. Ku vitana ka yena a kova ntsena eka kereke. "Loyi a nga ta hlula." Wa vona? Ku ngari kereke; sweswo a ku tava wansati, wa vona, miri wa kereke. Kambe hi "loyi a nga ta hlula," munhu loyi a nga ta hlula, sweswi.

<sup>39</sup> Kutani Laodekiya yi kumile swi ri karhi swi ta eka yona. Sweswi ha swi vona, manuku, ku tiva leswaku leyi i Nguva ya Laodekiya, na ku tiva leswaku nguva leyi yi lava ku tshinyiwa hi vukarhi ku suka eka Xikwembu. Yi lava ku tshinyiwa hi vukarhi. Kutani loko vafundhisi va hina va sungula ku olova na ku debya swonghasi, kukotisa kokwani wo karhi wa mukhalabya eka vatukulu va yena, swin'wana na swin'wana leswi va swi endlaka swi hetisekile. Nakona va le . . .

<sup>40</sup> Nakona swi vurile ngopfu, leswaku Xikwembu hi xona Xikwembu xa kahle, ku kondza va ringeta ku endla Xikwembu ntsena xi va kokwani wa xinuna lonkulu wo debya. Ma swi vona? Kambe a Xi tano. Hi xona Tatana, nakona i Tatana wa ku lulama, wa ku lulamisa. Nakona rirhandzu nkarhi hinkwawo ra lulamisa. Wa vona? Rirhandzu ra lulamisa. Swi ngari na mhaka leswaku swi vava ku fika kwihi, ri tama ra ha lulamisa.

Manana wa xiviri u lulamisa vana va yena. Tatana wa xiviri u lulamisa vana va yena. Wa vona? Loko ntsena mo sungula ku olova na ku debya, kutani mi pfumela swi . . .

<sup>41</sup> A ndzi ri karhi ndzi tsemekanya ntsandza wa khale siku rin'wana, ku rhelela ni—ni makhukhuri, kumbe leswi vuriwaka baku. Kutani ndzi tlulerile ehenhla ka ntsandza lowu. Hi le handle, a wu languteka wuri kahle, a wu languteka tani hi ntsandza lowukulu wa khale wa le bichini. Kambe loko ndzi tlulerile ehenhla ka wona, oho, xiphemu lexikulu xa wona xi werile ehansi. A wu borile ngopfu na ku debya. Ndzi ku, "Yaleyo i ndlela leyi Vakreste va vaka hakona." Va vile lava feke evudyohweni na ku homboloka, nkarhi wo leha swonghasi, ku kondza va hundzuka lava vo debya. A va koti ku khoma ntiko, na wun'we. A va—a va swi tivi leswi ku hlula swi vulaka swona. Kutani ndzi sungula ku ehleketa hi tsalwa leri, manuku. Hlulani, mi hlayisa Vutomi endzeni ka n'wina. Loko Vutomi byi humerile ehandle, sweswo hi leswi swi nga yisa ntsandza luwa wa khale eka xiyimo lexiya. Wa vona? Nakona swi wu endlile leswaku wu

nyanya ku tlurisa loko wu ta tshama eka rhavi leri mati a ya ri eka rona.

<sup>42</sup> Kutani, kwalahaya, u teka Mukreste, loyi a faneleke kuva Mukreste, u tshika Vutomi bya Xikwembu byi suka eka yena, na ntokoto, ntsako wa ku tirthela Kreste; na, ku hanya ekerekeni laha sweswo swi nga eku humeeleni, u bola ha ka mbirhi hi xihatla, kahle, hi ku hanya kwalahaya.

<sup>43</sup> Swingaleswi, loko kuri leswaku hi le ku ringeten i ka ku landzela Hungu ra awara, kumbexani xiphemu xa Hungu leri, hi fanele ku tshama hi ri karhi hi hanya eka Vutomi bya Kreste. Wa vona? Hikuva, loko byi nga vi kona, mi tshama ehansi, mi ri karhi mi tiva Sweswo, swilo leswi mi faneleke ku swi endla, nakona mi nga swi endli. Bibele yi teri, "Loyi a tivaka ku endla leswinene, nakona a nga swi endli, eka yena i xidyoho." Kutani mi hundzuka lavo debya, mi bola, loko mi hambanile na Vutomi bya Xikwembu. Swingaleswi, chivirikani hi hinkwaswo leswi nga endzeni ka n'wina, ku tshama eVuton'wini bya Kreste, leswaku mi ta tswala mihandzu.

<sup>44</sup> Ha yi vona nguva leyи hi hanya eka yona. Hi yin'wana ya tinguva leti kulukumba eka tinguva hinkwato. Nguva ya Kereke leyи ya Laodekiya hi leyи kulukumba eka tinguva ta kereke, hikuva hi yona ku hela ka nkarhi na ku hlanganisiwa ka ku kala Makumu. Kutani, manuku, hi yona nguva ya vudyoho lebyi kulukumba. Kuna vudyoho byo tala eka nguva leyи ku tlula hilaha byi nga tshama byi va kona. Naswona matimba ya Sathana ya—ya nonoha swinene ku lwisana na wona ku tlula hilaha a ya ri hakona eka nguva yihi na yihi. Wa vona? Kwala!

<sup>45</sup> Endzhaku lahaya eka tinguva to sungula, Mukreste a ta, hikokwalaho kova a hlambanya kuva wa kereke... kuva a wela eka Kreste, a ta tsemiwa nhloko hikokwalaho ka swona. A ta dlayiwa, na ku susiwa emaxangwini ya yena, kutani a ya hlangana na Xikwembu, hi xihatla.

Kambe sweswi nala u nghanile, hi vito ra kereke, nakona swa xisa hakenene. Leyи i nguva leyи kulukumba ya vuxisi. Loko, Kreste a vule tano, "Mimoya leyи mbirhi yi tava ekusuhi swinene hi masiku ya makumu ku kondza yi hambukisa hambi va ri Vahlawuriwa loko swi koteke." Wa vona? Wa vona? Wa vona? Tsundzukani, Kreste u vulavurile hi vanhu lava nga hlawuriwa eka siku ra makumu. Wa vona? "Swi ta hambukisa na vona Vahlawuriwa loko swi nga koteke." Ekusuhi swinene! Vanhu va hanya swonghasi, vanhu va nga hanya byo basa, vutomi byo tengen; va nga dyohi, va ngavi vaoswi, na swidakwa, na vahembi, na vagembuli. Va nga hanya va ri ehenhla ka sweswo, nakona va tama va ngari na Byona.

<sup>46</sup> Leyи i—i nguva ya Vutomi, Vutomi bya vun'winyi bya Kreste, laha, eka—eka khemikhali ya Miri wa Yena, leswi a swi ri endzeni ka Yena.

Xo sungula, ehansi ka ku lulamisiwa, nkhuvulo wa mati. Xa vumbirhi, ehansi ka ku Tswariwa lokuntshwa, ka Wesley, ku kwetsimisiwa, loku basisaka. Kutani xa vunharhu, ehansi ka nkhuvulo wa Moya lowo Kwetsima, ku veka xibye lexiya xi basisiweke entirhwени. Wa vona? Rito ku *kwetsimisa* ri vula, i rito ra Xigiriki leri endlieme hi marito mambirhi leri vulaka “ku basisiwa na ku vekiwa etlhelo hikokwalaho ka ntirho,” ku vekiwa etlhelo hikokwalaho ka ntirho. Sweswi Moya lowo Kwetsima wu xi veka entirhwени. Wa vona?

<sup>47</sup> Kutani hi ta lemuka, “Loko moya lowo biha wu humile eka munhu, wu famba etindhawini leti omeke.” Sweswo hi leswi kereke yi nga swi endla, Mabaptist, Mamethodist, lavaya a va pfumela eka ku kwetsimisiwa. “Kutani,” Yesu u te, “moya lowo biha lowu humeke, wu vuyela endzhaku eka miri lowu wa kereke kutani wu kuma yindlu yi khavisiwile, yi kukuriwile yi basa, yi hanya lebyo tengə, vutomi byo basa.” Hinkwaswo swi lulamile. “Kambe loko yindlu yaleyo yi nga tatiwanga, ku tatiwa, kutani wu nghena endzeni na madimon man’wana ma nkombo mo biha ku tlula leswi a wu ri xiswona, kutani xiyimo xo hetelela xa ndhawu leyi xi hi ka nkombo hi ku biha ku tlula leswi a xi ri xiswona eka ndzhawu yo rhanga.” A va tava va antswile loko a va lo tshama va ri Malutheran, ku tlula leswi a swi tava xiswona kuva va amukela ku Vonakala kwaloko kutani va tsandzeka ku Ku landzela. Swi tava tanı hi Mapentekostal, wa vona, ma swi tiva leswi ndzi swi vulaka, yindlu yi khavisiwile.

<sup>48</sup> Tani hi leswi a ndzi ri karhi ndzi vulavula na munhu un’wana, siku rin’wana, u teri, “Va na vukheta swinene, hambi kuri vo tala va mintlawa ya holiness, ku ngari ku vula Xipuku lexo Kwetsima leswaku, ‘Xipuku lexo Kwetsima,’ hikuva va tixakahata na Mapentekostal loko va endla sweswo. Va ri, ‘Moya lowo Kwetsima,’ wa vona, va fambela ekule na ku vula leswaku, ‘Xipuku lexo Kwetsima.’” Hikuva, Mapentekostal, vanhu va ntoloveloo, ntsena va Wu vitana leswi Bibele yi swi vulaka, “Xipuku xo Kwetsima.” Laha, Moya lowo Kwetsima na Xipuku xo Kwetsima swi nga nchumu wun’we. Kambe va na vukheta hi mayelana na swona. A va lavi ku xakahatiwa na vona vanhu lava vo vulavula hi tindzimi; nakona wolowo i Moya lowo Kwetsima, hi Woxe. Wa vona?

Xana ku humelele yini manuku? Loko nala, loyi a nga huma ehansi ka ku kwetsimisiwa, loyi a nga hlantsweriwa ehandle, a tlhelela endzhaku kutani a kuma yindlu yi nga tatiwanga hi Moya lowo Kwetsima, sweswi xiyimo xa kereke xi hlanganisiwile na—na nhlangano wa tikereke, na Huvo ya Tikereke ta Misava. Kutani i xiyimo sweswi lexi xi yi hlanganisaka na Xikhatholiki xa Rhoma na hinkwaswo leswin’wana, kutani sweswi yi hi ka nkombo hi ku biha ku tlula hilaha a yi ri xiswona loko yi huma eka Xilutheran. Kwalaho hi laha munhu a yi yisaka kona.

<sup>49</sup> Kutani langutisani Nguva ya Kereke ya Laodekiya endzhaku ka loko yi amukerile Moya lowo Kwetsima, na vutivi na Moya wa Xikwembu endzeni ka Wona, kutani mintirho ya Xikwembu yi ariwa hi yona, na ku Yi vitana “ntirho lowo biha.” Kutani ku yini hi sweswo? Kwalano hi laha Kreste a humeseriweke ehandle ka kereke ya Yena N’winyi. Wa vona? Yena... A swi kalanga swi N’wi kombisa endzeni ka kereke ku kondza swi fika eka Laodekiya; kutani loko a fika eka Laodekiya, U humeseriwe ehandle ka kereke ya Yena, u le ku ringetenka ku tlhelela endzeni.

<sup>50</sup> Sweswi, wa vona, ku lulamisiwa a ku kalanga ku N’wi nghanisa endzeni. Ku kwetsimisiwa ku lo N’wi basisela ndhawu. Kambe loko nkhuvulo wa Moya lowo Kwetsima wu fika, wu N’wi nghanisile endzeni ka vanhu. Kutani sweswi va N’wi humeserile ehandle, loko A ta sungula ku tikombisa Yena hi yexe, leswaku Wa ha ri yaluya wa tolo, namuntlha, na hilaha ku nga heriki. Va N’wi humeserile ehandle hikuva va tiendlile dinominexini, nakona e—e Moya wa Hosi a wu pfumelelani na dinominexini ya vona. Ma swi twisia sweswi? [Nhlengeletano yi ku, “Amen.”—Muhleri.] Leswaku, va N’wi humeserile ehandle. “A hi lavi nchumu xo xi endla hi ku hlaya loku ka miehleketo. I ka—i ka javulosi. Iku vhumbha vumundzuku. Kumbe...” Wa vona?

A va twisisi. “Matihlo, nakona a va voni; tindleve, nakona a va twi.” Wa vona? Xikwembu xi pfula ntsena matihlo hilaha Xi rhandzaka hakona. “Xi nonohisa lava Xi va nonohisaka, Xi navelela, na—na—na ku nyika Vutomi eka lava Xi tsakelaka ku va nyika.” Sweswo hi leswi Matsalwa ya nga swi vula.

<sup>51</sup> Sweswi, ha ti vona tiawara leti hi nga eka tona, rivala leri, naswona ha swi vona leswi a ri ri xiswona. Kutani Moya lowo Kwetsima wu le ku tshinyeni ka nguva leyi nga N’wi humesela ehandle. Kambe, eka hinkwaswo sweswo, xana mi swi lemukile, “Eka loyi a nga ta hlula”? [Nhlengeletano yi ku, “Amen.”—Muhleri.] Hambi kuri eka yaleyo ya misava, nguva ya kereke leyo biha, “Loyi a nga ta hlula.”

<sup>52</sup> Ha swi kuma lahawani leswaku Xikwembu minkarhi hinkwayo xi vile na vahluri. Xi vile na vahluri eka nguva yin’wana na yin’wana. Va kona minkarhi hinkwayo, nkarhi wun’wana na wun’wana, eka nguva yin’wana na yin’wana leyi ngava kona emisaveni, Xikwembu minkarhi hinkwayo xi vile na munhu un’wana loyi a Xi ta tlhandleka mavoko ya Xona ehenhla ka yena, tani hi mbhoni emisaveni. A xi se tshama xi ngavi na mbhoni, hambi leswi minkarhi yin’wana ku vaka kuri yin’we ntsena. Kambe munhu un’wana u hlurile, sweswi, ku kotisa vakwetsimi va khale.

<sup>53</sup> Kutani wanuna wa—wa kahle swinene, xidyondzeki, a ri karhi a vulavula, endzhaku ka *Swilemo Swa Nkombo*, a ku, “Makwerhu Branham, wena leswi u nga e—e mufanisi,

mufananisi, kumbexani,” a ku, “U ta swi endlisa ku yini emisaveni ku veka Kereke liya eku Vutliweni ehandle ka nkarhi wa Mahlomulo, eka xifaniso?” A ku . . .

Ma swi vona, loko kuri xifaniso, ku fanele kuva na e . . . ku fanele . . . Loko kuri na lexi lwisanaka na xifaniso, ku fanele kuva na xifaniso laha lexi lwisanaka na xifaniso xi nga ta huma kona. Kutani hinkwaswo leswi ndzi swi vulaka, leswi nga ntuyiso, swi na xifaniso. Swi na xifaniso. Mi na ndzhuti. Nakona Bibele yi teri, “Swilo swa khale a swi ri ndzhuti wa swilo swintshwa leswi swa ha taka.”

A ku, “Kambe sweswi u tekile Testamente ya Khale tani hi ndzhuti. Sweswi,” a ku, “xana u ta endla yini hi Kereke ley?”

<sup>54</sup> Wanuna loyi u huma eka . . . I wanuna wa kahle, mudyondzisi wa kahle loyi a nga munghana wa mina wa le kusuhi, wanuna wa kahle swinene, na swona i makwerhu loyi a rhandzekaka. Ndzi—ndzi ngaka ndzi nga ringeti ku vula rito na rin’we ku lwisana na makwerhu loyi. Ndzi nge swi koti, hambi swi ri tano. Tani—tani hi . . . Tani hi Mukreste, ndzi ngaka ndzi nga vuli nchumku ku lwisana na yena. A—a—a nga pfumelelani na mina eka dyondzo yin’we yaleyo, kambe hi yena—i yena makwerhu wa mina wo hlawuleka. Hi dya swin’we. Nakona, oho, i nakulorhi wo rhandza ku ambala swo languteka. Ndzi teka magazini ya yena, ndzi hlaya tiatikili ta yena. Kutani yena u tsala tin’wana ta mina, na swin’wana. Nakona ndzi tekile matsalwa yo tala ya leswi ndzi—ndzi nga swi hlaya—hlaya swa tiatikili ta yena, ndzi nga twa a swi vula. I wanuna wa kahle, kambe ntsena a—a nga pfumelelani na mina. Ndza swi khensa sweswo, hi vutshembheki bya yena. Hambi swi ri tano a hi yena, un’wana wa lavo pfumelela, ntsena vo fanelia ku pfumelelana na swin’wana na swin’wana leswi u swi vulaka. U na ku tinyikela ka yena n’winyi, nakona wa ku yimela. Ndza swi khensa sweswo. Nakona i wanuna wa kahle. Oho, a ndzi—a ndzi mudyondzisi kumbe xidyondzeki, na swintsongo, kambe wanuna loyi i ha vumbirhi mudyondzisi na xidyondzeki.

<sup>55</sup> Kambe a ndzi—ndzi pfumelelani na yena, hikuva a ndzi swi voni. Kambe, a swi khumbhani na ku ponisiwa, swi khumbhana na ku Vuya ka Hosi. U vona leswaku Kereke yi fanele ku hundza eka nkarhi wa Mahlomulo, kuva yi tengisiwa. Mina ndzi ri Ngati ya Yesu Kreste yi tengisile Kereke. Wa vona? A yi lavi . . .

Ndzi pfumela leswaku kereke yi hundza eka nkarhi wa Mahlomulo, vandla ra kereke, kambe Mutekiwa a nga yi. Xana u nga hlawula wansati loyi u faneleke ku n’wi tengisa loko u nga se n’wi teka? Wa vona? Mutekiwa wa Kreste u hlawuriwile, nakona I Muhlawuriwa. Nakona hi Yena Mutekiwa wa Xikwembu, Mutekiwa wa Yesu Kreste.

<sup>56</sup> Kutani sweswi a ku, “Xana u ta swi fananisa njhani sweswo, loko Mutekiwa yaloye a ya emahlweni, a tlhandluka a nga se

hundza enkarhini wa Mahlomulo?” Ndzi ku, “Ndzi na Tsalwa leri kombisaka leswaku Kereke yi le ka nkarhi wa Mahlomulo.”

Ndzi ku, “Ntsena hlaya Xilemo xa Vuntsevu, hi sweswo ntsena, yi kwalahaya hansi ka nkarhi wa Mahlomulo. Kambe hi kuma leswaku, loko sweswo swi nga se fika, Mutekiwa u va a fambile. Wa vona? U le Vukwetsimelweni hi nkarhi walowo. A nga na ku tengisiwa.” Wa vona?

“Loyi a pfumelaka eka Mina u na Vutomi lebyi nga heriki, nakona a ngaka a nga yi eku avanyisiweni kumbe ku Avanyisa, kambe u sukile ekufeni e ku nghena eVuton’wini.” Kreste u nyikile xitshembhiso xa leswaku a hi nge kali hi yimile ku Avanyisiweni. Swingaleswi U tekile ndhawu ya mina mahala, ku kondza ndzi va loyi a ntshuxekeke hi ku hetiseka. Loko ndzi rivaleriwile, ndzi rivaleriwile. Xana A nga ndzi humesa njhani exitolo, a kuma xilipi lexi vonakaka, loko... Xana A ngava Mukutsuri wa mina njhani, kutani a ndzi susa exitolo xa xitolo xa tinhundzu ta khale ivi mulombisi a tama a ha vula leswaku ndzi xibye xa yena? Ndzi na xilipi lexi nga tsariwa, amen, wa vona, lexi tsariweke hi Ngati ya Yesu Kreste. Wa vona? Sweswi, eka sweswo, lahwani hi kona laha hi taka kona.

A ku, “Sweswi, xana u ta swi kumisa ku yini, hambanyisa Mutekiwa luya a hlawuriweke loyi u vulavulaka hi yena sweswi, xana u ta swi vekisa ku yini Sweswo ehansi ka xifaniso?”

<sup>57</sup> Ndzi ku, “Swi kahle ngopfu.” Ndzi ku, “Hi leswi lahwani. Sweswi, eka Matewu, kavanyisa ka vu<sup>27</sup> na ndzimana ya vu<sup>51</sup>.” Loko hi...

Mi nge ndzi yi hlaya, kutani hi—hi ta yi kuma kahle. Kutani hi kuma loko kuri leswaku a swi fananisiwile kumbe ee, loko kuri leswaku i Mutekiwa loyi a nga hlawuriwa. Matewu, kavanyisa ka vu<sup>27</sup> na e—e ndzimana ya vu<sup>51</sup>. Hinkwaswo swi lulamile. Hi hlaya leswi, eku vambiweni ka Hosi ya hina.

*Kutani, nguvu ya tempele yi handzuka hi le xikarhi ku sukela ehenhla kuya fika ehansi;...*

<sup>58</sup> Sweswi, wolowo a wu ri nawu. Nawu wu herile kwalahaya. Hikuva, nguvu a yi sivela nhlengeletano eka tiatikili to kwetsima ta Xikwembu. Ntsena muprista loyi a totiweke hi yena a nghena kwalahaya, kutani, sweswo, a kuri kan’we hi lembe. Ma swi tsundzuka? [Nhlengeletano yi ku, “Amen.”—Muhler.] Sweswi, Xikwembu, hi voko ra Xona N’winyi, xiyisisani, “ku sukela ehenhla kuya ehansi,” ku ngari ku sukela ehansi kuya ehenhla. Hi kwalomu ka makume mune wa magoza kuya ehenhla. Xiyisisani, ku ngari ku sukela ehansi kuya ehenhla, kambe “ku sukela ehenhla kuya ehansi,” swi kombisa leswaku a swi endliya hi Xikwembu. Xi handzula nguvu hi le xikarhi, kutani hambileswi, un’wana na un’wana, mani na mani loyi a swi rhandzaka, a nga ta a ta dya ndzhaka ya ku kwetsima ka Xona. Wa vona? Hinkwaswo swi lulamile.

... ku sukela *ehenhla kuya ehansi; kutani misava yi tsekatseka, na maribye ya pandzeka;*

*Kutani masirha ya pfuleka; kutani mintsumbu ya lavo tala ya vakwetsimi lava etteleke yi pfuka,*

*Kutani va huma emasirheni endzhaku ka ku pfuka ka yena, . . . va nghena edorobeni ro kwetsima, va voniwa hi lavo tala.*

<sup>59</sup> Hi yaloye Muhlawuriwa, Mutekiwa luya. A hi kereke hinkwayo ya Mayuda leyи nga humelela hi nkarhi walowo. Hinkwavo ka vona va endlile gandzelo rin'we. Hinkwavo ka vona a va ri ehansi ka ngati leyи halakeke ya xinyimpfana. Kambe a kuri na Ntlawa lowu hlawuriweke; kutani Ntlawa luwa wu hlawuriweke, kute loko mhangu yi fika, lava hakunene a va Swi pfumela hi ku tshembheka. Sweswi ndzi ya eka rito ku *hlula*. Sweswi khomani sweswo. Lava hakunene va nga hlula, hi ku tshembheka va ri karhi va endla gandzelo leri rin'we na leri lavan'wana hinkwavo va nga ri endla, kambe, hi ku tshembheka, va hlurile swilo swa misava. Loko va tava va endleriwe xikhumelo hi ku lulama, va vile epharadayisini ku kondza sweswo swi tlanga hi nkarhi luwa. Loko nkarhi luwa wu ta endliya, a va hlurile nakona a va wisile, va ettele; wa vona, "mintsumbu ya lavo tala lava etteleke entshurini," wa vona, ku ettele.

<sup>60</sup> Sweswi, loko a hi ri na nkarhi, a hi ta tlhelela endzhaku eka Daniel, loko, Daniel, muhlawuriwa luya a hlurile. Kutani Xi teri, "Pfala Buku, Daniel, hikuva u ta wisa exivandleni xa wena. Kambe loko Hosana yi ta, leyи nga ta yimela vanhu, wena u ta yima exivandleni xexo." Hi leswi lahawani. Daniel, muprofeta loyi wa Xikwembu, u vonile nkarhi wa makumu wu ri karhi wu ta. Kutani Xi teri, "Daniel, u ta yima exivandleni xa wena hi siku rero." Kutani a kuri yena kwala, a humeleleke; ku ngari Israel hinkwaro, kambe xifaniso xa Mutekiwa wa Israel. Sweswi, lavan'wana va Israel a va humeleli ku kondza ku fika ku pfuka ka mani na mani.

<sup>61</sup> Kutani sweswi, eku Vuyeni ka Hosi Yesu, lava hakunene va rhandzaka ku Vuya ka Yena, lava va hanyelaka swona; loko A humelela empfhukeni, Kereke leyи nga fela eka Kreste yi ta pfuka, kutani valava va ta cinciwu hi xinkadyana. Lavan'wana hinkwavo a va nge tivi nchumu hi mayelana na swona. Tsundzukani, "Va voniwile hi lava a va ri edorobeni." Wa vona? Ku—ku—ku Vutliwa ku ta kotisa sweswo. Hi ta vonana, nakona hi ta va vona. Misava hinkwayo a yi nge va voni. Va ta vutleriwa ekule tani hi ku famba ka le xihundleni. Hi rindzerile nkarhi wolowo!

Kutani ku tlheleriwa endzhaku emisaveni eka Mileniyamu leyo kwetsima, kutani kuva na gidi ra malembe... "Vafi hinkwavo a va hanyanga ku fikisa gidi ra malembe."

<sup>62</sup> Kutani ku humelela ku pfuka ka mani na mani, laha, ku nga Israel hinkwaro. Na swona, vonani lahawani, vaapostola va khume mbirhi, vapatriyaka va khume mbirhi, hinkwavo va yimeriwile. Nakona a hi se fika eka sweswo. Kumbexani, loko Hosi yi swi rhandza, hi ta nghena eka swona eka Testamente, hilaha makhumbi lawaya ya yaspa, na maribye ya khume mbirhi, na minyangwa ya khume mbirhi, na masungulo ya khume mbirhi, hinkwaswo sweswo swi yimeriwile. Hi lava eswiluelweni swa khume mbirhi, varhumawa va tintsumi ta masiku lawaya, ku ta hundzisa ku avanyisa ehenhla ka lavaya va nga ala hungu ra vona. Amen. Hi liya yi taka awara leyi kulukumba. Ina.

<sup>63</sup> I siku ra njhani, i nkarhi wa njhani lowu hi hanyaka eka wona! Hilaha hi faneleke ku kambela, Kereke. Sweswi hi vulavula hi mayelana na swilo leswi nga ekuteni, leswi nga ta ta. Sweswi, namuntlha, a hi wiseni endzhaku lahawani kutani hi vona, hi tikambela kutani hi vona loko hi lulamile eRipfumelweni.

<sup>64</sup> Sweswi a hi vulavuleni hi vahluri va ngari va ngani eka timinetse tintsongo, hi masiku ya nkarhi wa Nowa, lowu a wu fanisiwa hi Yesu Kreste, hi kuva wu kotisa namuntlha.

Ndzi fanele kuva na khume ra timinetse. Sweswi ndzi tava ndzi fikisile hafu ya awara. Ntsena ndza ha ku sungula, eka papila ro rhanga. Ndzi ta tlula mantsongo ya wona, loko ndzi swi kota. Kutani ndzi kuma leswi...

<sup>65</sup> Hi nkarhi wa Nowa, xifaniso xa namuntlha: Yesu u kongomisile eka wona, kutani a ku, "Ku kotisa leswi a swi ri xiswona hi nkarhi wa Nowa, swi tava tano eku Vuyeni ka N'wana wa munhu. Hi nkarhi wa Nowa, swi tava tano eku Vuyeni ka N'wana wa munhu." Xiyisisani, a yi ri kona hinkwayo misava liya ya nkarhi wa ndhambhi, kumbexani mamiliyonu ya vanhu, ku vile na vahluri va nhungu. Vanhu va nhungu va hlurile, valava a kuri va xiviri, vahluri va xiviri. A kuri na majaha ma nharhu ma Nowa na vavasati va vona, na Nowa na nsati wakwe. Nhungu va hlurile, lava va nga nghena engalaveni hi nkarhi lowu lulameke. Xana va swi endlise ku yini? Va yingisile Rito ra Xikwembu. A va kumekanga va ri ehandle ka nyangwa. Va kumekile va ri endzeni ka nyangwa.

<sup>66</sup> Oho, vanghana va mina lava rhandzekaka, mi nga tshiki nyangwa wolowo wu pfala. Yesu u teri, "Ku kotisa leswi a swi ri xiswona hi siku rero, swi tava tano eku Vuyeni ka N'wana wa munhu." (Ndza ku khensa, makwerhu.) "Swi tava tano eku Vuyeni ka N'wana wa munhu." Sweswi, ku tava na munhu un'wana loyi a nga ta kumeka ehandle ka nyangwa wolowo.

Votala va vona va ngava va vile na makungu lamanene, nakona, "Siku rin'wana, loko swilo swo tani hi sweswo swi humelela, hi ta nghena endzeni na Makwerhu Nowa, hikuva hi

yena nakulorhi wa kahle.” Kambe, ma swi vona, ku kumekile nhungu ntsena endzeni.

<sup>67</sup> Sweswi, ehleketa hi matimba sweswi. Loko mi lo titshamel, mi ri karhi mi debya, nghenani endzeni. Hatlisani, hi xihatla, hikuva nyangwa wu nga pfala nkarhi wun’wana na wun’wana.

<sup>68</sup> Nakona ku tshama kuri na ngalava eka ikhonomi ya Xikwembu. A kuri na ngalava hi masiku ya Nowa, ya ku ponisiwa ka vanhu va Xona. A kuri na areka emasikwini ya nawu, areka ya vumbhoni. Hi masiku ya nawu, va landzerile areka.

Kutani kuna ku averiwa ka vunharhu sweswi; ku kotisa hi nkarhi wa Nowa, nkarhi wa Lot, kutani sweswi hi nkarhi lowu. Kuna ngalava sweswi. Nakona ngalava yaleyo a hi dinominexini, na swona a hi mintirho leyinene leyi mi yi endlaka. Swi “hi Moya wun’we,” Varhoma 8:1, “hinkwerhu hi khuvuleriwe eMirini wun’we, eku fumeni ka Mfumo wolowo, nkhuvulo wa Moya wun’we.” Swi ngari na mhaka leswaku u kahle njhani, u lowo biha njhani, swin’wana na swin’wana, u le ndzeni ka Mfumo wolowo hi—hi nkhuvulo wa Moya lowo Kwetsima. Wa vona? Yaleyo i ndlela yin’we ntsena leyi u hlulaka ha yona. Hi hinkwavo lava nga ehansi ka Ngati leyi halatiweke lava nga vahluri, hikuva u ngaka u nga hluri, wena hi wexe. Hi Loyi a nga endzeni ka wena loyi a ku hlulelaka. Wena u le ku wiseni.

<sup>69</sup> “Xana ndzi ta swi tivisa ku yini, Makwerhu Branham, leswaku ndzi le ndzeni Kwalahaya?” Langutisa leswaku i vutomi bya muxaka muni lebyi u byi hanyaka. Ntsena langutisa hinkwako-nkwako. U vona loko byi hanyeka ku suka eka wena, hi byoxe. Kumbe, xana u fanele ku tshikelela na ku koka, wa vona, kutani u le ku tiendleleni. Kambe u nga ringeti ku swi endla. Xana u kale u swi ringeta? Ina. U nga swi endli.

<sup>70</sup> Ntsena tani hi ku hoxa xivokwana xa n’wana embhoveni wa voko, ma swi vona. Ntsena u le henhla, ehansi, lahaya, na hinkwaswo leswin’wana. Wa vona? A ngaka a nga swi koti. “Ambala baji ra wena, murhandziwa.” A ngaka a nga swi koti. Xivokwana xi ya ehenhla, ehansi, ku rhendzeleka. Swi teka voko ra wena leri tiyeke.

Oho, hilaha ndzi nga tsaka hakona, ndzi nga ha yimisela voko ra mina eka Tatana, ndzi ku, “Hosi Yesu, a ndzi swi koti ku nghena Lahaya. Ndzi pfune. Ndzi ambexe baji.” Ndza swi tshika ku ringeta. Ntsena N’wi pfumeleleni a swi endla. Wa vona?

<sup>71</sup> Loko n’wana lontsongo o ya emahlweni na ku ringeta, “Oho, ndzi nga swi kota. Ndzi nga swi kota.” Kutani u va a ri hinkwako. A ngaka a nga swi koti.

Na hambi kuri n’wina, na hambi kuri mina, kambe loko ntsena ho khomelela hi yimisa sweswo kutani hi Xi pfumelela xi swi endla. Ntsena swi tshikeleni Xona, “Haleno, Hosi, hi

mina loyi. Ntsena—ntsena ndzi pfumeleli ndzi ngavi nchumu. Ndza—ndza titshika. Wena hoxa voko ra mina endhawini leyi lulameke.” Sweswo i ku hlula. Sweswo i ku hlula.

<sup>72</sup> Nchumu lowu mi faneleke ku wu hlula hi n’wina vinyi, mianakanyo ya n’wina, nchumu wa n’wina, kutani mi tinyiketa eka Xona. Xi mi hlulerile. Xi tiva ndlela ya kona; hina a hi yi tivi.

<sup>73</sup> Kambe hi nkarhi wa Nowa a kuri na vahluri va nhungu, nakona valava hi vona va nga nghena endzeni. Va kumekile va ri endzeni.

Sweswi vonani, vanghana. Ndzi pfumela leswaku va le ku thepeni ka leswi. Nakona loko swi ri eka thelevhixini, kumbe ku ngari thel-...ndzi khomeleni, eka thepi. Swin’wana na swin’wana leswi mi swi endlaka, lava mi yingiseleke sweswi, kumbe lava nga ta yingisela endzhaku, awara yi herile, nakona mi na kungu ra kahle, kambe kumekani mi ri endzeni. Sweswi, mi nga kayakayi. “Ku ngari loyi a swi rhandzaka, kumbe loyi a tsutsumaka, kambe i Xikwembu.” Ntsena pfumelelani Xikwembu. Ntsena titshiketeni n’wina vinyi eka Xona kutani mi ya emahlweni, hi lero hetiseka, ripfumelo leri enetisekeke, leswaku, “Leswi Xikwembu xi nga swi tshembhisa Xa swi kota ku swi endla.” Ku ngari ku joyina dinominexini yo karhi, dinominexini yin’wana, ku fambisa *leswi*, *sweswo*, kumbe *leswin’wana*, ku ringeta ku endla *leswi*. Ntsena titshiketeni n’wina vinyi eka Xikwembu, kutani mi famba na Xona, hi kurhula, mi miyerile, mi nga kavanyetiwi. Ntsena yanani emahlweni mi famba na Xona. Swi lulamile.

<sup>74</sup> Sweswo hi leswi ndzi nga byela makwerhu wa hina loyi a ha kuva na ku—ku tlumbeka. Wa vona? “Ntsena titshiketi eka Xona. Xi kona, Xona Lexi nga tiva leswi u nga swi endla, na leswi swi nga vanga vu wena na ku endla hi ndlela *leyi*, na hinkwaswo sweswo. Xi tiva hinkwaswo mayelana na wena, kutani sweswi Xa ha ku tlhela xi ku byela nakambe leswi u faneleke ku swi endla. Sweswi,” Ndzi ku, “nchumu wun’we ntsena lowu u faneleke ku wu endla kova ntsena kuya u ya swi endla. Sweswo i, ku rivala hinkwaswo mayelana na leswi nga hundza, famba, u hanyela swa mundzuku, eku Kwetsimeni na Vukona bya Xikwembu.”

Nhungu wa vahluri.

<sup>75</sup> Hi masiku ya nkarhi wa Daniel, a kuri na mune wa vahluri lava a va kota ku yimela ndzingo wa ndzilo na nghala.

Sweswi, hi languteriwa kuva hi ringetiwa. Yaleylo i dyondzo ya kahle eka makwerhu wa mina—mina endzhaku lahaya, na yena. “Loyi a tshinelelaka Xikwembu u fanele ku sungula a ringetiwa.” Ku ringetiwa (yini?) hi Rito. Kwaloko i ku ringeta ka Xikwembu. Xana ma swi pfumela? [Nhlengeletano yi ku, “Amen.”—Muhleri.] “Loyi a tshinelelaka Xikwembu u fanele a ringetiwa.” Sweswo swi kombisa ntsena n’wana wa ntviyo,

kutani, wa vona, ku ringetiwa. Kutani loko ku ringetiwa ku ta eka... U ngaka u nga hluli ehandle ka loko ku ri na ku ringetiwa loku u nyikiweke kona. Kutani loko ku ringetiwa ku nyikiwile, i ka ku vona loko u ta hlula kumbe ee. Nakona Yesu u te, "Eka loyi a nga ta hlula," ndzingo. Ndzingo i nchumu wu kulukumba ngopfu lowu nga tshama wu humelela eka wena. Ndzi pfumela leswaku swi tsariwile eMatsalweni, Petro u vurile, leswaku, "Miringo ya hina yi ni nkoka lowu hundzisaka nsuku lowo saseka eka hina." I nkarhi wa ku ringetiwa. I byin'wana bya vumbhoni bya kahle eka hina leswaku Xikwembu xi na hina, loko hi ringetiwa, hikuva hinkwavo vana va Xikwembu va kamberiwa na ku ringetiwa.

<sup>76</sup> Kutani Daniel, wanuna, muprofeta; Shadrak; Meshak; na Abednigo; Daniel a ri muprofeta; kutani wolowo wu ri mpimo wa Kereke hi siku rero, ndzi vula, Mutekiwa. A kuri na tikereke to tala, kwalomu ka timiliyoni timbirhi ti yile kwalahaya. Kambe a kuri na... wolowo a wuri mpimo wa muhluri. Kutani vahluri lava va hoxiwile endzingweni. Nakona muhluri un'wana na un'wana u fanele ku hoxiwa endzingweni. Kutani loko va ku, "Vuyerisani endzhaku hinkwaswo leswi Rito ri swi vulaka, kumbe mi hoxiwa ekheleni ra ndzilo wa vukarhi," va arile hinkwaswo ehandle ka Rito.

<sup>77</sup> Kute loko Daniel a nyikiwile ndzingo, leswaku a fanele ku vuyisela endzhaku leswi Rito ri nga swi vula, leswaku a va fanele ku korhamma va kongomana na tempele, tani hilaha Solomon a nga khongela hakona, na leswaku a Xi ta va ntshuxa eka swilo hinkwaswo. Xikwembu a Xi ta swi yingisa ku suka eTilweni loko a vo tshama... langutisa ku kongomana na tempele kutani va khongela. Kutani va ku, "Loko munhu wihi na wihi a khongela exikarhi ka nhlayo ya masiku lawa... Nakona hina hi Vamedo-Persian, lava va nga cinciki kumbe ku hundzuluxa milawu ya hina. Munhu yaloye u ta hoxiwa ekheleni ra tinghala."

<sup>78</sup> Va n'wi rhiyerile ntlhamu. Ndzi pfumela leswaku muprofeta luya a swi tiva sweswo. Kambe va n'wi rhiyerile ntlhamu. U fambile hi ku titsongahata. Loko ku fika nkarhi wa kuva a khongela... Loko, a swi tiva, etiko xikaya eYerusalem, a kuri na gandzelo leri pfurhaka e altarini. Daniel a nga ti chavi tinhlorhi ta vona. U tlakusile swisirhelelo swa mafasitere, a kokela swipfalo endzhaku, kutani a khinsama hi matsolo ya yena, kutani a hoxa mavoko ya yena ehenhla eka Xikwembu ivi a khongela. Hikokwalaho ka yini? Ku hanya kumbe ku fa, a ri na ku hlula. Kutani, hikokwalaho, ku hlula swonghasi ku fikela laha tinghala a ti nga ta ku dya. U—u hlurile.

<sup>79</sup> Va... Shadrak, Meshak, Abednigo a vari na ku hlula swonghasi ku fikela laha nghala... ku fikela laha ndzilo a wu nga ta va hisa. Ma swi tiva, ku hlula ka nonoha ka ku hisa, kumbe ka ku dya, kumbe swin'wana na swin'wana. Wa vona? Swingaleswi, vona, a va ri na kona.

<sup>80</sup> Ndzi nga ha vula ximunuhatwa xin'wana. Hi masiku ya Lot, Yesu u kongomisile eka wona, ku vile na vanharhu ntsena lava nga hlula, Lot na vanhwana va yena vambirhi. Hambi a kuri nsati wa yena; a nga hlulanga. U—u sungurile ku huma. Hi yena xifaniso. Ndzi navela ingaku hi ngava na nkarhi. Makume nharhu wa timinetse ta mina ti herile sweswi. Wa vona? Wa vona? U, u endlile kahle, a huma.

<sup>81</sup> Sweswi ndzi fanele ku mi nyika leswi, xinkadyana nyana. Vo tala va n'wina mi sukile, na n'wina. Vo tala va n'wina mi sukerile swilo leswi, kuva mi teka xiyimo xa n'wina, endzhaku ka kuva mi Swi kambisisile hi Matsalwa na ku kuma leswaku Swi lulamile. Mi vonile xitiyisiso xa Xikwembu xa Matimba hinkwawo; ku ngari hi swin'wana, leswi munhu un'wana a nga *vula* leswaku a kuri xitiyisiso. Leswi Bibele yi nga vula leswaku swi tava kona, nakona hi Leswi swi le ku swi endleni. Mi Swi vonile leswaku a swi ri Ntiyiso. Swingaleswi, mi sukile mi famba, kuva mi siya Sodoma, mi siya dinominexini, mi siya swilo leswi a swi mi bohelela na mukhuva; kutani mi landzela Kreste, hi Moya lowo Kwetsima lowu wu tiyisisaka Yena hi yexe hi Rito leri tsariweke ra Xikwembu. Hi marito man'wana, mi tekile Bibele ematshan'wini ya mukhuva. Mi sukile mi famba, kuva mi landzela.

<sup>82</sup> Kunene, nsati wa Lot u endlile nchumu lowu fanaka, ma swi tiva. U sukile a famba, kuva a famba na Lot, a landzela nuna wa yena, vana va yena, varhandziwa va yena, kambe a Swi ngari embilwini ya yena. A tama a ha rhandza misava. Swingaleswi swa koteka kuva mi nga sungula, kambe mi tama ma ha ri na misava endzeni ka n'wina. Wa vona? A nga kalanga a hlula. Kutani hambi leswi a ri kahle kwale patwini, yi hetelele yi n'wi hlula. A boheka ku teka ku langutisa kun'we, lokukulu, ko leha. Kwalaho hi kona laha a nga khomiwa kona. Mi nga kali mi languta endzhaku. Mi ngavi na ku navela. Yanani emahlweni mi famba. Vekani miehleketo ya n'wina emhandzini ya Xihambano ivi mi ya emahlweni mi famba ku kongomana na Kreste. Wa vona?

<sup>83</sup> U sukile a famba, tani hi muhluri, kambe a nga kalanga a hlula. Oho, u siyile dinominexini. U swi endlile. U humile eSodoma, na Lot. Kambe a lava ku tlhelela endzhaku a ya tsemeta misisi ya yena. Ma swi tiva leswi ndzi swi vulaka. Wa vona? A boheka ku tlhelela endzhaku. Ntsena a nga ta swi kota ku hlula e—e ndzingo. A boheka ku langutisa endzhaku nakambe, ku vona leswi lavan'wana a va ri karhi va swi endla. “Oho, ma swi tiva, a ndzi ri na vanghana va kahle kwalahaya, endzhaku ka hinkwaswo. Nakona, endzhaku ka hinkwaswo, leswi swi ngava ntsena swi ri goza rintsongo—rintsongo. A ndzi swi tivi loko kuri leswaku swi lulamile kumbe ee. Ndzo—ndzo va na rito ra wanuna loyi ntsena eka swona, hambi leswi a nuna wa mina. Kambe hambiswiritano . . .” Mufundhisi wa

n'wina i nuna wa n'wina, hi mavulavulele ya ximoya, ma swi vona. "Sweswi, hambi swi lulamile kumbe ee, a ndzi swi tivi. Kumbexani yena, nhlavutelo wa yena a wu lulamanga."

Hambiswiritano, loko mi nga enetisiwanga hi ku hetiseka, a mi nge swi tivi hi ku hetiseka leswaku hi Rona Rito ra Xikwembu, hambiswiritano—hambiswiritano mi ngaka mi nga fambi. Wa vona? Mi fanele kuva mi xavisiwile mi hela hi xiviri. Mi fanele ku swi tiva. Ku ngari ntsena ku vula leswaku, "Kunene, ndzi vona van'wana va ri karhi va swi endla. Ndzi vona xikombiso."

<sup>84</sup> Ma swi tiva, Israel ri humile, ndzi nga ha vula nchumu lowu fanaka kutani ndzi wu tisa lahawani. Va humile, timiliyoni timbirhi to tiya, kutani va hetelela hi vavanuna vambirhi. Swi lulamile. Va vonile mintirho ya Xikwembu. Va vonile ku vonakarisiwa ka Moya. Va vonile lama kulukumba, mahlori ya matimba ya ri karhi ya endliya kwalahaya Egipta, na hinkwaswo, kutani va huma. Kambe a swi—swi ngari etimbilwini ta vona. A va nga hlulanga. Va lo huma ntsena. Nakona Yesu u teri, "Kutani hinkwavo va loverile emananga," na swona va file hilaha ku nga Heriki. "Hinkwavo ka vona va file," sweswo swi vula ku hambanisiwa hilaha ku nga Heriki. Hinkwavo ka vona va bolerile emananga.

<sup>85</sup> Kambe a kuri na vavanuna vambirhi, Yoxuwa na Caleb. Kute loko swi fika eka nkombiso, swirhalanganyi a swi ri leswikulu swonghasi ku kondza va languteka ku kotisa tinjiya etlhelo ka vona. Yoxuwa u huwelerile na Caleb, kutani va ku, "Ha swi kota ku tlurisa ku swi endla." Hikokwalaho ka yini? "Xikwembu xi vule tano." Nakona a vari vahluri. Va hlurile. A vari lava nga na nkateko, ku suka eka vandla leriya ri kulukumba ra vanhu, kuva va teka loyi wa xiviri, Mutekiwa loyi a nga hlawuleriwa eka tiko ra xitshembhiso. Yoxuwa na Caleb va ri entileni wa le mahlweni kwalahaya, tani hi tindhuna timbirhi, va va rhangerile ku rheleta enambyeni, kutani va tsemakanya nambu, ku nghena etikweni ra xitshembhiso. Hikokwalaho ka yini? Va pfumerile Rito, hambi ku humelela yini.

<sup>86</sup> Kutani, Datan a pfuka. Datan, kumbexani, u pfukile, nakona swi tano hi Korah, nakona va ringetile ku vula leswaku, "Wanuna loyi u ringeta ku tiendla loyi a nga ehenhla ka hina hinkwerhu; u kwetsima ku tlula lavan'wana hinkwavo." Endzhaku ka loko Xikwembu xi tiyisisile wanuna luya hi xiviri. Va ku, "Hi to sungula ntlawa wa vanhu kutani hi endla *leswi*, *sweswo*, kumbe *leswin'wana*, nakona hi ta endla mavandla ya hina, hi ta endla . . ." Kutani va file va lova.

Kambe vavanuna lavaya a va ri na Rito ra Hosi, na swona va tshamile na Rona, kutani va yile emahlweni.

"Ku ngari loyi a sungulaka; loyi a hetaka." Vo tala va sungula ku tsutsuma, kambe kuna Un'we loyi a ku hetaka. Ku tava na

tikereke to tala ti nga ta sungula, mintlawa yo tala ya vanhu. Ku tava na Ntlawa wun'we wu nga ta heta. Valava i vahluri.

<sup>87</sup> Hi siku ra Lot, ina, wansati a boheka kuva na lokuya ku kulukumba, ku langutisa ko leha endzhaku. "Oho, ndzi siya *Swingere-ngere* kwalahaya, minkarhi ya kahle liya a hi va na yona. A ndzi nge pfuki ndzi yi rivarile." Kutani u khomiwile, a pfaleriwa ehandle, ku kotisa leswi a swi ri xiswona hi masiku ya Nowa. U pfaleriwe ehandle, handle ka ntsetselelo, nakona u lovile. Nakona e—e xitshuka xa ha yimile kwalahaya namuntlha. Va koxa (a ndzi swi tivi) leswaku u nga tshova xiphemu xa xona kutani xi ta tlhela xi kula nakambe, xitshuka xa munyu. Loko mo tshuka mi vonile xifaniso lexiya xa *Sodoma na Gomora*, mi ta vona xitshuka xa munyu xa xiviri lexi a xi yimile kwalahaya.

<sup>88</sup> Sweswi, kuna ku hambana exikarhi ka xitshuka xa munyu na Langavi ra Ndzilo. Wa vona? U fanele ku jika hi ndlela yin'we. Ina.

<sup>89</sup> Xiyisisani, hi nkarhi wa Yohana Mukhuvuri. Hi nkarhi wa Yohana Mukhuvuri, ku kumekile ntsevu wa lava va nga hlula. Tinguva hinkwato, a ti ri na vahluri. Hi nkarhi wa Yohana a va ri na ntsevu, valava a kuri Yosefa na Maria, Zakariya na Elizabet, Simeon na Ana. Wanuna na wansati, wanuna na wansati, wanuna na wansati; wa vona, xifaniso xa Kreste, Kereke; Kreste, Kereke; Kreste, Kereke; Kreste, Kereke. Wa vona? Wa vona?

<sup>90</sup> Xiyisisani, swi sungula eka wanuna wa ntumbuluko. Ee, Mo... Yosefa, wanuna wa ntumbuluko, Yosefa, xana a ri yini? Muvatli. Kutani muprista, xana a ri yini, wa vona? Muministara endlwini ya Hosi; Zakariya. Kutani ku suka eka sweswo, kuya eka Simeon, muprofeta na muprofeta wa xisati. Wa vona?...?...Ku lulamisiwa, ku kwetsimisiwa, nkhuvulo wa Moya lowo Kwetsima. Amen. Xana a mi swi voni? [Nhlengeletano yi ku, "Amen."—Muhleri.] Swi hetisekile. Ntsevu va hlurile. Lavan'wana hinkwavo, va humesile gandzelo ra vona na hinkwaswo, kambe lava a va ri Vahlawuriwa. Va hlurile.

<sup>91</sup> Xiyisisani nguva yin'wana na yin'wana ya kereke. Lava fanaka va hlula, n'wana un'wana na un'wana wa nguva yin'wana na yin'wana ya kereke, u hlula ndzingo wa nguva yaleyo. Ndzi na Matsalwa lahwani. A ndzi ehleketi leswaku hi na nkarhi wo swi endla, kambe ha yi tiva yin'wana na yin'wana ya tinguva ta kereke. Swa fana na sweswi. Swi tani hi un'wana loyi a nga...

<sup>92</sup> Wa vona, tani hilaha ndzi nga vula eku sunguleni, mi tswariwa mi hluriwile. Nakona ku tswariwa kwaloko ku ngaka ku nga mi yisi e—e Vuton'wini, hikuva mi tswariwa mi hluriwile. Nakona mi le misaveni leyi nga hluriwa, exikarhi ka vanhu lava nga hluriwa, exikarhi ka mikhuva leyi nga hluriwa, tidinominexini leti nga hluriwa. Mi fanele ku fika eku hluleni hi ndlela yo karhi.

<sup>93</sup> Swi kotisa konwa. Yi kwihi...Konwa, ndzi ehleketa, hi yin'wana ya swiluva swo saseka swinene leswi nga kona. Ndzi yi rhanda swinene mikonwa leyikulu ya calla na konwa ya xihlovo. Ndzi ehleketa leswaku ku hava nchumu wo xonga ku tlula konwa leyikulu ya xihlovo, leyi vuriwaka konwa ya le matini. Hilaha yi vangamaka hakona! Sweswi, xana yi huma kwihi? Hi yona mbewu leyintsongo, le hansi-hansi ka lexi xa ndzhope, xihlovo xo thyaka. Kutani mbewu liya yintsongo, hambiswiritano, ku vangama hinkwako loku ku nga ta kala ku hatima endzeni ka yona, kuva kuri endzeni ka yona hi nkarhi wolowo, loko yi ri endzeni ka ndzhope liya. Kambe yi fanele ku chivirika, hi masiku, yi ri karhi yi tiva leswaku kuna swin'wana. I ya ntima. Yi thyakile. Yi punyarile. Ya rheta. Eku rheteni kwaloko yi hanyaka kona, hambi swi ri tano yi susumeta ndlela ya yona ku hundza endzhopeni, ku punyala, na mamati, na tindhawu ta mati yo yima, ku kondza yi humesa nhloko ya yona hi le henhla, eka layiti, kutani yi kombisa leswi swi fihliweke endzeni ka yona nkarhi lowu hinkwawo.

<sup>94</sup> Ndzi ehleketa leswaku yaloye i muhluri, leswaku, loko u tshame u va evudyohweni, loko u tshame u endla swilo swo hoxeka, u nga vileli hi swona sweswi. Loko u tshame u endla swilo swo hoxeka, kutani, hikokwalaho ka yini u langutisa endzhaku exihlobyeni nakambe? Wa vona? Vona, u na... .

<sup>95</sup> Xikwembu, hi ku hlawulela emahlweni ka Xona, wa vona, xi yisile mbewu leyi evuton'wini, nakona yi le ku tisusumeteni yona hi yoxe, wa vona, ku ta eka layiti. Kutani sweswi, ehenhla ka hinkwaswo sweswo, yi hlurile. Wa vona? A yi kombisi vuyona yi ri ehansi *lahaya*. Yi ta ehenhla, ku ta kombisa vuyona.

Na hambi kuri n'wina, evudyohweni bya n'wina—n'wina, na vuoswi, na hinkwaswo leswi a mi hanya eka swona. A mi kombisanga nchumu. Kambe a kuri na mbewu kwale ndzeni, nakona yi kumile nkateko wo tisusumetela eku Vonakaleni. Kutani sweswi mi le Vukoneni bya Yesu Kreste, na ku Vonakala ka N'wana. Ku humelerisile leswi hi xiviri a mi ri xiswona eku sunguleni. Ma swi vona leswi ndzi swi vulaka? Mi vonile ku Vonakala. Mi tsakerile ehandle. Mi andlarile mbilu ya n'wina yi pfuleka, kutani sweswi hi n'wina konwa.

<sup>96</sup> Ma wu tsundzuka nchumayelo wa mina hi konwa? Mufundhisi Konwa, hilaha a tikarhataka hakona. "Nakona, hambi swiritano, a yi luki. Hambi swiritano, Solomon, eku dzunekeni ka yena hinkwako, a nga funengelanga kukotisa yin'we ya leyi." Yi—yi—yi—yi—yi... Yi langutiseni. Yi lulamerile ku nyi... A yi teki nchumu xi va xa yona. Konwa a yi na mhaka na yona n'winyi. Xana yi endla yini? Yi—yi cukumetela ku saseka ka yona ehandle, vutomi bya yona, leswaku van'wana va ta vona. Vutomi bya yona byi kombisiwa ehandle, leswaku van'wana va ta vona ku dzuneka, leswi nga endzeni ka yona,

leswi a swi ri endzeni ka yona endzeni ka ndzhope liya. Sweswi yi le henhla.

Yaloye i muhluri. Yi hlurile ndzhope. Yi hlurile swilo swa misava. Kutani sweswi yi tinyikela ehandle mahala. Un'wana na un'wana a nga yi langutisa. Vutomi bya yona, u ngaka u nga tlhandleki rintiho ehenhla ka byona. Wa vona? Hi yona muhluri wa xiviri. U ngaka u nga vuli nchumu hi mayelana na yona sweswi. U ku, "Yi humile endzhopeni." Kambe a yi le ndzeni ka ndzhope sweswi. Yi le henhla ka yona. Amen. U ngaka u nga kombeteli leswi a yi ri xiswona. Xana yi yini sweswi? Yi le henhla.

<sup>97</sup> Kutani nyoxi yi ta ekusuhi ivi yi ku, "Yaleyo i phefumi ya kahle. Ndzi pfumela leswaku ndzi taya ndzi ya kuma xiave xa mina."

<sup>98</sup> Ntsena yi pfula mbilu ya yona, "Tanani sweswi. Swi lulamile." Swilo hinkwaswo swi teka eka yona. Wa vona? Yona, hi yona mufundhisi wa xiviri. Yi kombissa ku Kwetsima ka Xikwembu. Kutani langutisani laha yi humaka kona. A yi fanele ku hlula, ku va yi endla sweswo.

<sup>99</sup> Nkarhi wun'wana, wanuna kumbe wansati a ri lontsongo na kuva kahle, a sasekile. A va ri na mindzingo yo tala leyi a va fanele ku hundza eka yona, kambe va swi hlurile sweswo. Wa vona? Va hlurile. Sweswi va le ku kombiseni ka ku saseka ka xiviri ka Kreste evuton'wini bya vona. Xiyisisani, ku kombisa, ku hundza endzhopeni.

<sup>100</sup> Yesu u hi nyikile xikombiso, hilaha swi endlisiwaka xiswona. Sweswi hi lava ku tiva leswi ku hlurisiwaka xiswona. Yesu u hi byerile hilaha swi endlisiwaka xiswona. Wa vona? Ku titsongahata! U titsimbile, a teka thawula, kutani a hlantswa milenge ya vadyondzisiwa kutani a yi sula. Xona Xikwembu xa le Tilweni xi titsongahatite hi Xoxe.

<sup>101</sup> A hi swi lavi ku tsongahatiwa. Hi xona xivangelo xa kuva vavasati va nga swi lavi kuva misisi ya vona yi kula (Wa vona?); xivangelo xa kuva va nga swi lavi ku ambala tani hilaha vamanana va faneleke ku ambala hakona. Tani hilaha, vavanuna va nga swi laviki, wa vona, i nchumu wun'we. A va swi lavi. Va, va tsongahateka.

Kambe, Yesu, nkarhi na nkarhi! Langutisani leswaku A ri Mani. Vukulukumba! Ndzi ya eku vuleni ka swin'wana. Vukulukumba bya titsongahata byona n'winyi. *Vukulukumba* byi tiyisa ehansi byona n'winyi. Vukulukumba!

<sup>102</sup> Ndzi vile na nkateko wo kuma, wo hlangana na vavanuna van'wana lava kulukumba. Nakona vanakulorhi lava nga na ku cinca ka swiambalo, na ntlhanu wa macheleni eswikhwameni swa vona, na ku ba pongo, yaloye i nakulorhi loyi a ehlaketa leswaku hi yena nchumu wo karhi loko a nga ri nchumu. Kambe ndzi yimile na vavanuna lava kulukumba, ndzi vula vavanuna

lava kulukumba va mavoko ya baji yo hlakala, na mintlamu. Va ku endla u ehleketa leswaku hi wena munhu nkulukumba. Wa vona?

Vukulukumba i ku titsongahata. Mi nga swi rivali sweswo, Kereke. Vukulukumba byi kombisiwa hi ku titsongahata, ku ngari hilaha u nga vaka kahle hakona.

A ndzi vuli ku thyaka, sweswi. Ndzi—ndzi vula ku titsongahata emoyeni. Wa vona? A ndzi vuli ntsena kuya—kuya ehandle mi nga hlambi na ku ka mi nga tibasisi. Sweswo, mi fanele ku swi endla sweswo. Ma swi tiva sweswo. Wa vona?

Kambe ndzi vulavula hi mayelana na ku titsongahata, ku titsongahata ka xiviri, ku ngari swin'wana swo tiendlisa. Swin'wana leswi nga, leswi nga ku titsongahata ka xiviri.

<sup>103</sup> Yesu u hi byerile leswaku swi endlisiwa ku yini. U hlurile. Swi vula...*Ku hlula* swi vula “ku yimela ndzingo,” hi swona sweswo, tani hilaha vakwetsimi hinkwavo va khale va nga endla hakona; tani hilaha Yesu a nga endla hakona: exikarhi ka valala va Yena hinkwavo, U yimerile ndzingo. Hinkwaswo leswi a nga ringiwa hi swona, U swi yimerile. Kwale mahlweni ka vuvabyi, kutani kuva Yena a ri Mesiya, U va horisile. Emahlweni ka rifu, U ri tlheriserile evuton'wini. Emahlweni ka mhandzi ya Xihambano, rifu ra Yena N'winyi, U ri hlurile hi ku tinyikela Yena n'winyi. Hikokwalaho ka yini? Hi Rito. U te, “Mbindzimuxani Tempele leyi, kutani Ndzi ta yi pfuxa hi masiku manharhu.” Rito a ri vula tano. Wa vona? Kutani evukoneni bya rifu, U ri hlurile. U hlurile rifu. Evukoneni bya tihelle, U hlurile tihelle na ku hlula tihelle. Ina. Evukoneni bya sirha, U hlurile sirha. Hikokwalaho ka yini? Hinkwaswo hi Rito, na ku titsongahata. Oho, mina! Hi yaloye Wanuna wa xiviri. Hi yaloye Loyi mi faneleke ku n'wi endla xikombiso. Wa vona? U hlurile swilo hinkwaswo, u swi hlurile.

<sup>104</sup> Vonani. Ku ringiwa a kuri ka Yena. Ma swi tiva sweswo? Bibele yi te, “U ringiwile hi matlhelo hinkwawo kukotisa leswi hi nga ringisiwa xiswona, kambe a ku vanga na xidyoho.” U ringiwile hi—hi ku nwa. U ringiwile hi vavasati. U ringiwile hi swilo hinkwaswo leswi a ta ringeka hi swona. U ringiwile hi swilo hinkwaswo leswi hi ringiwaka hi swona. A ri Munhu, hambi swi ri tano a mi nga ta tlhandleka xivati ehenhla ka Yena. Ina, nkulukumba.

<sup>105</sup> *Ku hlula* swi vula “ku lemuka javulosi eka mano man'wana na man'wana ma yena.” Vanhu vo tala va ri, “Ku hava javulosi. Ntsena kova mianakanyo.” Mi nga swi pfumeli sweswo. U kona javulosi wa xiviri. I wa xiviri tani hilaha na n'wina mi nga hakona kumbe mani na mani. Javulosi wa xiviri, nakona mi fanele ku n'wi lemuka hi xiviri. Mi fanele ku swi tiva leswaku hi yena javulosi. Kutani, xikan'we-kan'we loko mi—mi n'wi lemuka, na ku tiva leswaku hi yena javulosi nakona u lwisana

na n'wina, kutani, ku hlula, mi fanele ku lemuka leswaku Xikwembu lexi nga endzeni ka n'wina i xikulukumba na kuva na matimba ku tlula leswi a nga xiswona, leswaku Loyi a nga endzeni ka n'wina u n'wi hlurile khale. Kutani, hi tintswalo ta Yena, mi tlula ntlangu eka yena. Amen. Kuna ku hlula ka xiviri, loko mi lemuka.

<sup>106</sup> Mi langutisa endzhaku, mi ku, “Ndzi le ku endleni ka *leswi* nakona ndzi le ku endleni ka *sweswo*,” kutani, ee, mi—mi, mi hluriwile.

“Kambe ku hava ku avanyisiwa eka lava nga eka Kreste Yesu, lava nga landzeleki swa nyama, kambe va landzela Moya.” Kutani mi lemuka leswaku mi hlurile.

Nakona ma swi tiva leswaku hi yena javulosi. Mi ngaka mi nga vuli leswaku, “Ndzi na vuvabyi, naswona a ndzi—ndzi—ndzi—ndzi pfumeli leswaku i vuvabyi.” Oho, ina, i vuvabyi. U na mfukuzani, a wu “pfumeli leswaku hi byona mfukuzani.” Hi byona mfukuzani. Hi byona mfukuzani.

Kambe, tsundzukani, “Loyi a nga endzeni ka n'wina i nkulukumba ku tlula loyi a nga emisaveni.” Mi fanele ku lemuka leswaku Moya lowo Kwetsima lowu nga endzeni ka n'wina wu hlurile nchumu lowu khale. Nakona Wu le ndzeni ka n'wina, kutani mi nga ha hlula ha Wona. Sweswo swi twala kahle ngopfu, swi hi ndlela leyi Matsalwa ya nga tsariwa hakona. Ku hlula!

Ndzi fanele ku hatlisa. Ndzi fikisile makume mune-ntlhanu wa timinetse sweswi. Hakunene ndzi tsutsuma hi nkarhi wo engetelela sweswi.

<sup>107</sup> Xiyisisani, ku hlula! Xikwembu lexi nga endzeni ka n'wina i xikulukumba ku tlula lexi nge endzeni ka yena. Xikwembu xa misava a hi xikulukumba kukotisa Xikwembu xa Matilo, lexi nga endzeni ka n'wina, ku ngari ku tlula hilaha munyama wu nga yimaka evukoneni bya ku vonakala.

<sup>108</sup> Sweswi, munyama wu ngaka wu nga yimi evukoneni bya ku vonakala. A ndzi na mhaka na leswaku wu zwhale njhani, ku vonakala ku ta wu susa. Wu ngaka wu nga yimi. Ku kwetsima! Kambe mi teka munyama wo tala hilaha mi lavaka hakona, ivi mi ringeta ku yima ku lwisana na ku vonakala nkarhi wun'wana, mi vona leswi nga ta humeleta.

Yaloye hi Loyi a nga endzeni ka n'wina, i ku Vonakala. Kutani loyi a nga emisaveni i munyama. Swingaleswi, ku Vonakala ku khorwisile kuva ku hlula munyama, na yena munhu loyi a nga eka Kreste u tlhela a swi tiva leswaku u hlurile swilo swa misava. Amen. A ya hari na xibohi eka wena, na swintsongo. U ntshuxekile. “Fambani eku Vonakaleni, tani hi leswi Xona xi nga eku Vonakaleni, kutani Ngati ya Yesu Kreste ya hi hlantswa ku suka evudyohweni hinkwabyo, kutani hi va na xinakulobye swin’we.” Hi sweswo.

<sup>109</sup> “Loyi a nga endzeni ka n’wina i nkulukumba ku tlula loyi a nga emisaveni.” Sweswi, kungaku loko mi langutisa endzhaku kutani mi avanyisiwa, kutani ma hari emisaveni. Kambe loko mi hanya ehenhla ka sweswo, kutani Loyi a nga endzeni ka n’wina u mi rhangerile kuya ehenhla ka munyama.

Kukotisa konwa, yi le henhla ka munyama wa ndzhope. Yi le henhla ka munyama wa mamati ya ndzhope. Yi le ku vonakaleni, yi vonakarisa ku saseka loku a ku vekiwile endzeni ka yona loko yi nga se suka endzhopeni. Amen.

<sup>110</sup> Sweswi ndzi—ndzi titwa tani hi Mukreste wo huwelela. Xana a kuri na yini eka Xikwembu, eku sunguleni, swi tshikelerile ndlela ya swona, swi hlula. Swi hlurile xikhamba. Swi hlurile ndzhope. Swi hlurile mamati. Swi hlurile swilo hinkwaswo, nakona swi vile muhluri, kutani swi vonakarisa ku saseka na ku Kwetsima ka Xikwembu.

<sup>111</sup> Yaleylo i ndlela leyi mupfumeri un’wana na un’wana a endlisaka xiswona. Yaleylo i ndlela leyi Nowa a nga endlisa xiswona. Yaleylo i ndlela leyi Lot a nga endlisa xiswona. Yaleylo hi yona ndlela. Vonani leswaku a ri eka mpfilumpfilu wa njhani. Yaleylo i ndlela leyi Muxe a nga endlisa xiswona. Yaleylo i ndlela leyi Yoxuwa a nga endlisa xiswona. Yaleylo i ndlela leyi Daniel a nga endlisa xiswona. Yaleylo i ndlela leyi Shadrak, Meshak va nga endlisa xiswona. Yaleylo i ndlela leyi Yohana Mukhuvuri a nga endlisa xiswona; Zakariya, Elizabet. Yaleylo i ndlela leyi Simeon, yaleyo i ndlela leyi Ana, hinkwavo ka vona va nga endlisa xiswona. Va hlurile ndzhope leyi a yi ri kona ku rhendzeleka na vona na ku va pomela. Va tlhomile tinhloko ta vona ehenhla ka nchumu luwa, kutani va vangamisa ku Kwetsima ka Xikwembu. Sweswo hi leswi Mukreste wa xiviri a swi endlaka.

<sup>112</sup> Tsundzukani, Yesu u kombile Wansati leswaku swi endlisiwa ku yini. Makume mune wa masiku ya ku ringiwa, U ringiwile ku tlula munhu un’wana na un’wana loyi a nga tshukaka a ringiwile, hi ku ringiwa ka Yesu Kreste. Vonani. U hi kombile leswaku swi endlisiwa ku yini.

Sweswi ndzi ta pfala, ntsena eka timinetse tintsongo.

<sup>113</sup> Vonani. U hi kombile leswaku swi endlisiwa ku yini. Xana U swi endlise ku yini? Hi Rito. Sweswo hi leswi a nga swi endlisa xiswona, hikuva A ri Rito. Kutani Yesu u te, “Loko mi tshama eka Mina, na Marito ya Mina ya tshama eka n’wina,” mi tlhelerile eRitweni nakambe, Rito ra xitshembhiso. Xana hi rihhi Rito ra xitshembhiso eka Mukreste un’wana na un’wana? “Loyi a nga endzeni ka n’wina i nkulukumba ku tlula loyi a nga emisaveni.” Kutani xana ndzi hlurisa ku yini? A hi mina, kambe i Rito leri nga endzeni ka mina. Rito i Xikwembu. Kutani ndzi hlurile swilo swa misava, hikuva i Rito leri nga endzeni ka mina. “Loko mi tshama eka Mina, Marito ya Mina ya tshama eka n’wina, kutani kombelani leswi mi swi lavaka.” Ntsena yanani

emahlweni mi tshikelela kuya ehenhla. Mi le kuyeni ehenhla, hi ntiyiso kukotisa xin'wana na xin'wana. Wa vona? Mi fanele kuya ehenhla.

<sup>114</sup> Makume mune wa masiku ya ku ringiwa ka Yena, hi Rito ra Xikwembu U hlurile. Ndzi lava ku vula swin'wana lahwani ntsena eka timinetse tintsongo. Sathana u endlile minhlaselo yinharhu leyikulu ehenhla ka Yena eka ku ringiwa lokuya. Vonani. Swi tshama swi ri hi vunharhu. Mi nga swi rivali. Wa vona? U endlile minhlaselo yinharhu leyikulu, ku sukela eka wa le henhla kuya eka wa le hansi. U ringetile hi matimba ku N'wi hlula. Kambe A ri Rito. Amen. Xana U tirhisile yini? Yena n'winyi, Rito. Minhlaselo yinharhu leyikulu ya Sathana kumbe minhlaselo ehenhla ka Yena, kambe U hlanganile na yona hi Rito. Nhlaselo wun'wana na wun'wana, U kotile ku wu hlula hi Rito. Vonani leswi sweswi, ku sukele eka wa le henhla kuya eka wa le hansi.

<sup>115</sup> Xo sungula lexi a nga endla nhlaselo wa yena ehenhla ka xona, ku tirhisa matimba ya Yena lama kulukumba. Laha, A swi tiva leswaku A ri Rito. A tiva xiyimo xa Yena. Ma swi pfumela leswaku A xi tiva? [Nhlengeletano yi ku, "Amen."—Muhleri.] "Mina N'wana wa munhu." A tiva xiyimo xa Yena. Kutani Sathana u tile nakona a lava leswaku Yena a tirhisa matimba Yena N'winyi ehenhla ka Yena, kuva A tiphamela, a lava ku N'wi phamela. A twa ndlala. Loko munhu a khomiwa hi ndlala, a nga endla swin'wana na swin'wana. A nga yiva, a khutuza, a kombela, a lomba, swin'wana na swin'wana. Wa vona? A ri na ndlala yaleyo. Kutani Sathana u tirhisile nhlaselo lowukulu wo sungula ehenhla ka Yena, ku teka matimba ya Yena lama. A nga nyikiwa wona kuva a hlula hi wona kutani a ma tirhisa ehenhla ka Yena hi yexe. A nga ma tirhisanga ehenhla ka Yena n'winyi. Ee. U ma tirhisile ehenhla ka van'wana. Hi swona sweswo. U ma tirhisile ehenhla ka van'wana, ku ngari Yena n'winyi. A ma ngari ma Yena. Hambi leswi, A tava a swi endlile. Hakunene a tava a swi endlile.

<sup>116</sup> Kambe ma swi vona leswaku javulosi u fika njhani? Javulosi u lava leswaku n'wina mi n'wi tekela enhlokweni. Yena u tekerile enhlokweni ntsena leswaku Tatana a nga vula leswaku a swi endlile. Hi swona sweswo.

A ku, "Hikokwalaho ka yini," Sathana a ku, "ku tsariwile, 'Xi ta lerisa Tintsumi . . .'"

<sup>117</sup> A ku, "Ina, kambe ku tsariwile nakambe . . ." Wa vona? Hi sweswo. Wa vona? A swi tiva leswaku A ri Mani. Sathana u endlile . . .

Mianakanyo yi tsutsumela laha ku enteke ku tlula Leswi nga tsariwa. Wa vona? I nhlohlotel. Mongo wu le ndzeni ka Swona, ma swi vona, leswi hi xiviri Swi nga xiswona.

<sup>118</sup> Hambi leswi A tava a swi endlile, A nga swi endlanga. Kambe A—A nga kalanga a tekela enhlokweni xiringanyeto xa Sathana.

Sweswi, hi lowu nchumu wa kahle. Wa vona? Nkarhi wun'wana Sathana a nga mi teka, kutani loko mi ehleketa leswaku mi le ku endleni ka ku rhandza ka Xikwembu, ivi a mi endlela xiringanyeto, n'wina mi wela eka xona. Ina, nkulukumba. Hakunene a nga swi kota.

<sup>119</sup> Sweswi a hi swi tekeni, tani hi xikombiso, kukotisa vasesi va hina. Va xongile. Kutani a nga mi yisa endhawini, leyi, mi tshikaka misisi ya n'wina yi kula, mi nga swi lemukanga. Yi languteka yi ri kahle eka n'wina, kutani, nchumu wo sungula lowu mi wu tivaka, mi kumeka mi titwa tani hi loko mi tlakukile, mi ri ehenhla nyana ka swin'wana. Van'wana va n'wina vavanuna, ma swi tiva leswi ndzi swi vulaka. Wa vona? Kutani a nga teka nchumu lowu fanaka a mi ringanyetela wona. Hi swona sweswo. Wa vona. Mi fanele ku swi hlula sweswo.

Ntsena tsundzukani, mi hanyela Xikwembu. Mi na xikongomelo xin'we, nakona xexo i Yesu Kreste. Ehandle ka sweswo, ku hava nchumu wun'wana lowu nga wa nkoka. Yaloye hi Yena. Kutani, xa vumbirhi, hikokwalaho ka ndyangu wa n'wina. Kutani, xa vunharhu, hikokwalaho ka n'wina vinyi. Kambe, xo sungula, hikokwalaho ka Xikwembu; lexi landzelaka, hikokwalaho ka ndyangu wa n'wina; kutani lexi landzelaka, hikokwalaho ka n'wina vinyi. Mi wa vunharhu; yalawa i makumu ya patu. Tivekeni n'wina hi n'wexe emakumu; Yena u swi endlile.

<sup>120</sup> Langutani leswi A tava a swi endlile. U te, “Ndzi nga vitana Tatana wa Mina, ndzi vulavula na Yena, xikan'we-kan'we A nga Ndzi rhumela khume mbirhi wa mavandla ya Tintsumi.” Laha, yin'we ya Tona yi nga kotaka ku herisa misava. A ku, “Loko Mfumo wa Mina a wuri wa misava leyi, kutani malandza ya Mina a ya ta lwa. Kambe Mfumo wa Mina i wa le Henhla.” Hi sweswo. Wa vona? A tava a swi endlile sweswo, kambe A nga swi endlanga. Wa vona? Hambi leswi, A tava a swi endlile. A nga kalanga a xi yingisa xiringanyeto xa Sathana.

<sup>121</sup> Sweswi, xana mi tshama mi va twa vanhu va ku, “Loko—loko u pfumela leswaku kuna—kuna muhorisi wa Vukwembu... Loko u ri muhorisi wa Vukwembu... Famba u ya teka muhorisi wa Vukwembu wa wena. Ndzi na munhu lahwani, wa vabya. Ndzi nga tsakela ku n'wi vona a n'wi horisa.” Ma n'wi vona javulosi yaluya a fanaka? [Nhlengeletano yi ku, “Amen.”—Muhleri.] U le ku ringetenka ku mi nyika xiringanyeto. U le ku ringetenka ku mi endla leswaku mi yingisa yena ematshan'wini ya Xikwembu. Kambe wa xiviri, nandza wa Xikwembu wa ntiyiso u ta yingisa kutani a vona leswi Tatana a swi vulaka, ku sungula. Wa vona?

<sup>122</sup> Ku kotisa n'wana lontsongo wa ka Stadsklev, loko va va rhumerile lahwani. Kutani Manana Stadsklev u teri,

“Makwerhu Branham, ndzi fowunile ku suka eJarimani.” A kuri na vuthu ra Amerika, leri a ri ri na xin’wana xa swihaha-mpfhula swa rona swa jet lexi a xi phatsamile ehandle kwala rivaleni, a xi ta ndzi hahisa kuya eJarimani na ku vuyela endzhaku, hi siku. Wanuna a ri mufundhisi. Kutani n’wana a pavalarile, a file. Kutani manana luya lontsongo a ri karhi a kalakala, a ku, “Yingisani!” A ku, “Ndza swi tiva. A ndzi yimile kwalahaya kutani ndzi vona wansati luya a khomile n’wana luya wo fa emavokweni ya yena, loyi a file emixweni luwa. Ndzi vonile Makwerhu Branham a famba a ya kwalahaya, a tlhandleka mavoko ehenhla ka n’wana luya wo fa, kutani a vuyela evuton’wini.” A ku, “Loyi i n’wana wa mina, Makwerhu Branham.” A ku nge se tshama ku va na rifu emutini wa vona. Wa vona? Kutani nchumu lowuntsongo wu khomiwile hi vuvabiyi emixweni wun’wana kutani wu fa hi ndzhengha.

Hi lava hinkwavo va yimeke kwalahaya, va ri karhi va nyika vuprofeta na swin’wana, “N’wana u ta pfuka,” na hinkwaswo swo kotisa sweswo.

<sup>123</sup> Ndzi ku, “Kunene, sweswo swi kahle swinene, Sesi Stadsklev. Kambe u nge ndzi vona leswi Tatana a swi vulaka.”

Ndzi humile ndzi ya enhoveni. Kutani ndzi khongela. Loko ndzi vuyela endzhaku; a fowunile ka mbirhi kumbe ka nharhu loko ndzi nga se tlhelela endzhaku hi mixo lowu landzelaka. Ku ngavi na nchumu.

Dokodela u te, “Hinkwaswo swi lulamile.” A ku, “Loko swi ri tano, loko u ri na ripfumelo ro kotisa rero, manana, hi ngaka hi nga pfumeleli n’wana a suka exibedlele. N’wi tshike a pavalala kona kwala. Wena u ta tshama kwala na yena. Sweswo swi lulamile.”

Makwerhu Stadsklev u yile a ya vonana na ndhuna ya vuthu. Va ku, “Kunene. Hi ta n’wi hahisa a ta, na ku n’wi tlherisela endzhaku.”

<sup>124</sup> Kutani a kuri na xihaha-mpfhuka lexi a xi phatsamile, xi rindzele, ku ndzi yisa kona emixweni wolowo kutani xi ndzi tlherisela endzhaku hi vusiku byebyo, kuya eJarimani, kuya eHeidelberg, Jarimani, ku ya pfuxa n’wana loyi. Ndzi ku, “Kunene, Xikwembu xi nga swi endla, kambe a hi voneni leswaku ku rhandza ka Xona i yini.”

<sup>125</sup> Kutani ndzi yile ehandle, ndzi ya khongela vusiku hinkwabyo. Ku nga humeleli nchumu. Ndzi tlhelela endzhaku hi mixo lowu landzelaka; ku nga humeleli nchumu. Kutani ndzi sungula ku nghena endlwini. Hi nkarhi wolowo ndzi langutile lahaya, nakona kwalahaya a ku yimile Layiti leriya ri nembelerile kwalahaya rivantini. Ri ku, “U nga tlhandleki voko ra wena ehenhla ka sweswo. U nga ri tshinyi rero. Rero i voko ra Xikwembu.”

<sup>126</sup> Ndzi n'wi kumile eka riqingho. Ndzi ku, "Sesi Stadsklev, lahla n'wana wa wena. I voko ra Hosi. I ku rhandza ka Xikwembu. Swin'wana a swi ta humeleta eka n'wana hi ku rhelela hi layini. N'wi tshike a ya laha Xikwembu xi tivaka leswaku u ya kona. U ngaya eka yena sweswi. Wa hanya, wena a wu nge hanyi. N'wi tshikise xisweswo."

<sup>127</sup> Muchumayeri luya lonkulu wa Mulutheran ejarimani u tsarile papila kutani a ku, "Hilaha ndzi nga khensaka, leswi, Makwerhu Branham a yimeleke xiboho lexi tsemiweke erivaleni xa Xikwembu, loko a nga se vula nchumu."

Hi sweswo. Khomelelani eka xiboho xa Xikwembu. Swi ngari na mhaka leswaku van'wana va ri yini, kumbe hambi ku ngava kuri yini, mi nga ringanyetelani na Sathana, na swintsongo.

<sup>128</sup> Loko Sathana a ku, "Sweswi, nkhuvulo wa mati, vito ra 'Tatana, N'wana...'" Loko sweswo, a kala a ringanyeta, swi tshikeni swi ri swoxe. Xikwembu xi vurile leswi hambaneke. Loko a ku, "U wanuna wa kahle, a wu boheki ku... U wansati wa kahle, a wu boheki ku endla..." U nga ringanyeti. Loko Rito ri vula swin'wana leswi hambaneke, wena tshama na Rito swi ngari na mhaka leswaku i yini. Xexo i xikombiso lexi Yesu a nga ku nyika xona, kutani hi wolowo nhlaselou luwa wu kulukumba, wa vona, lowu a nga wu endla ehenhla ka Yena.

<sup>129</sup> Kutani, nhlaselou wa vumbirhi. Ndzi ta hatlisa. Ntsena swi languteka ingaku nkarhi wu famba hi xihatla. Nhlaselou lowu kulukumba lowu landzelaka a kuri, lowu a nga wu endla ehenhla ka Yena, leswaku A tava nkombiso.

Nakona hilaha sweswo swi baka malandza ya Xikwembu, kuva nkombiso, ku kombisa leswi u nga swi endlaka. "Ku kwetsima a kuve eka Xikwembu! Haleluya! Ndzi muponisi! Ndzi swo karhi." Wa vona? Wa vona?

<sup>130</sup> "Tana ehenhla lahawani, ehenhla ka tempele, u ta tshama lahawani." U N'wi ringile kuva a swi endla. Sweswi, tsundzukani, A ringekile kuva a swi endla, hi matimba. A ku, "Sweswi, loko U lava kuva swin'wana emahlweni ka vanhu, tlakuka u yima ehenhla ka tempele leyi, u jitamela ehansi." Wa vona? "Ndzi ta Ku nyika Tsalwa ra swona, hikuva swi tsariwile, 'Xi ta lerisa Tintsumi ehenhla ka Wena, leswaku ku nga tshuki, na kan'we, nenge wa wena wu khuguriwa hi ribye. Xi ta Ku khavulela.'" Ku N'wi endla nkombiso, ku kombisa Matimba ma Yena.

<sup>131</sup> Ku hava nandza wa ntiyiso wa Xikwembu a endlaka sweswo. Loko mi vona wanuna a ri karhi a kombisa, a humesele xifuva ehandle, na hinkwaswo swo kota sweswo, ntsena tsundzukani, kuna swin'wana swi nga hoxeka lahaya. Ee. Xikwembu a xi swi lavi sweswo. Yesu u vekile xikombiso. A tava a swi endlile. Hakunene a tava a swi endlile, kambe A nga swi endlanga.

Ku hava nandza wa Xikwembu loyi a nga nkombiso, wa yena n'winyi, ku ringeta ku teka matimba ma Xikwembu ivi a tikombisa kuva a ri ehenhla ka munhu un'wana.

<sup>132</sup> Ma swi tsundzuka leswaku Muxe u swi endlile sweswo? Ma swi tsundzuka? [Nhlengeletano yi ku, "Amen."—Muhleri.] Xikwembu xi n'wi nyikile matimba yo endla swin'wana na swin'wana leswi a lava ku swi endla; xi n'wi endla muprefeta. U rhelerile eka Ribye leriya, kutani a ba Ribye ra vumbirhi. Sweswo a swi lwisana na ku rhandza ka Xikwembu.

Xikwembu xi teri, "Vulavula na Ribye lero. U nga ri bi nakambe. Utshova e—hinkwaswo e—e swifaniso lahwani. Ribye ri ta biwa kan'we ntsena." Kambe u vulavurile hi ku tsana ka Rito loko a endlile sweswo; Sweswo a swi nga ringanelanga. Ina. Rito a ri ri leswi a swi ri eku humeleleni. Ribye leriya a kuri Rito. Wa vona?

<sup>133</sup> Yena, ro sungula, u bile Ribye kutani mati ma humeleta. Kutani va khomiwile hi torha nakambe. Xi ku, "Tlhelela endzhaku u ya vulavula na Ribye." A ra ha biwe kan'we. Wa vona?

"Ku kayivela ka Rito," Muxe u nyikile vumbhoni eka swona. "Rito a ri nga lulamanga; a Ri fanele ku biwa nakambe."

<sup>134</sup> Swingaleswi Muxe u rhelerile kwalahaya kutani a ba Ribye kukotisa sweswo, a ku, "Humeleta!" Ma nga humeleti, swingaleswi u ri bile nakambe, kutani a ku, "Humeleta! Ndza ku lerisa leswaku u humeleta." Kutani mamati ma humeleta.

<sup>135</sup> Xikwembu xi ku, "Khandziya u ta haleno. Tana haleno. U tidzunisile wena n'winyi. U tekile matimba ya Mina; ematshan'wini yo kwetsimisa Mina, u tikkwetsimisile wena n'winyi. Sweswi a wu ngeyi etikweni leriya. Langutisa lahaya, vona leswi ri langutekisaka xiswona; kambe, lahwani, u ta famba kona kwala." Oho, mina! A ku se tshama kuva na wo kotisa Muxe, ma swi tiva. Ee, ee.

<sup>136</sup> Loko a tava a fikile eka nkombiso lowuya na Yesu, u teri, "Khandziya ehenhla ka tempele lahwani kutani u jitamela ehansi."

<sup>137</sup> A ku, "Ku tsariwile," amen "U nga ringi Hosi Xikwembu xa Wena." Wa vona? U hlanganile na yena hi Rito, eka sweswo, na le ka nhlaselio wun'wana na wun'wana lowu kulukumba.

<sup>138</sup> Ku hava nandza wa ntiyiso loyi a kalaka a ringeta ku ti kombisa yena hi yexe, hi—hi matimba ya Xikwembu. Loko a swi endla, wa lahlekeriwa hi nkarhi wolowo.

<sup>139</sup> Nhlaselio lowu kulukumba wa vunharhu, Sathana u nyikerile ku tshikela mfumo wa yena eka Yena. U swi endlile. Sathana u te, "Wa yi vona mimfumo leyi ya misava? Leyi i ya mina. Ndzi endla leswi ndzi swi lavaka ha yona. Ndzi nga yi tshikela eka Wena."

Kambe, mi tsundzuka, a ringeta ku endla leswaku Yena a ta yi tshika ehandle ka xihambano. Loko A lo swi endla, a hi tava hi lahlekile. A tava a wu tekile mfumo. Kambe U fanele ku landzela e... U fanele ku vuya endzhaku. U ringiwile kuva a swi endla, sweswi. Rifu i nchumu wo nonohwa. U ringiwile ku teka ntshuxeko wa Yena kutani a va Hosi ya misava, ehandle ka xihambano. Kambe, loko A lo swi endla, malandza ma Yena a ma tava ma file. Sathana a tava a endlile xiringanyeto xexo na Yena hi ku tsaka. Kambe U teri, "Suka endzhaku ka Mina, Sathana." A nga swi endlanga.

<sup>140</sup> U tile a ta xaniseka, kutani a teka leyo nonohwa, ndlela yo khwaxa. U tekile ndlela ya mahlomulo. U tekile ndlela ya rifu.

Xana hina, emixweni lowu, hi tiyimiserile ku endla, ku teka ndlela leyi fanaka leyi A nga yi teka? Xana hi tiyimiserile ku fa? Xana hi tiyimiserile ku titshikela eka Xikwembu, hi tshiketa misava hinkwayo na swilo, ku tirhela Xona? Wa vona?

<sup>141</sup> Sweswi, U tsandzekile ku swi endla. Ku tiyimisela ku—ku wu tshika, Sathana a ri tano, eka Yena. Kambe A nga swi endlanga. Hambi leswi Yesu a ringiweke, U hlulele hina. U—U tiyiserile mindzingo hinkwayo hikokwalaho ka mina na n'wina. Wa vona? A tava a wu tekile hi nkarhi luwa. Kambe xana U yi tekele yini ndlela leyin'wana? Leswaku hi ta kota ku ta, hi va na Yena. Kutani loko kuri leswaku U hakerile nxavo wo tani hi wolowo, kutani xana hi tava hi ri vantsongo njhani kuva hi nga wu teki? Loko, tsundzukani, ku hava nchumu lahwani, hambi swiritano.

<sup>142</sup> Loko mo hanya dzana ra malembe, xana mi ta fika eka yini? Dzano, na miehleketo ya n'wina yi fambile, mi khanyanile, na ku dyuhala na ku rhurhumela. Kwalano hilaha mi yaka kona, kutani yalawa i makumu ya swona. Tanani sweswi, mi hlula nchumu wolowo. Xana mi swi endlisa ku yini? Hi Rito. Leswi Rito ri swi vulaka, mi swi endla. Fambani hi ku titsongahata. Mi hanya emahlweni ka Yesu.

<sup>143</sup> U tiyiserile swilo hinkwaswo hikokwalaho ka n'wina na mina. Hi yena xikombiso eka hina xa hilaha hi nga hlulaka nguva ya hina yo biha, tani hilaha A hluleke nguva ya Yena yo biha.

<sup>144</sup> Tsundzukani, loko A ta emisaveni, a kuri na ku kala ripfumelo swonghasi, kumbe ro tala, ku tlula leri vaka kona nkarhi wun'wana na wun'wana. A swi N'wi karhatanga na swintsongo. Loko va N'wi vula javulosi ematshan'wini ya Xikwembu, loko va N'wi vula hinkwaswo leswi a swi ta endleka, a swi N'wi karhatanga na swintsongo. A ri na xikongomelo xin'we: "Tekela Tatana enhlokweni. Hlayisa Rito." Rito i Xikwembu. A ri na miehleketo yin'we.

<sup>145</sup> Nkarhi wun'wana hi ringeka ku tlhelela endzhaku. Vo tala va n'wina, mi ringeka ku tlhelela endzhaku eka dinominexini, ku tlhelela endzhaku mi ya teka xiave, hikuva misava hinkwayo yi ri, "U wela eka dinominexini yihi? U titsarisile eka kereke yihi?"

Hi ringiwa ku endla sweswo; hinkwerhu ka hina ha ringiwa. Vasesi va hina va ringiwa ku tlhelela endzhaku, ku tlhelela endzhaku va ya joyina tikereke letin'wana, na tin'wana ta Assemblies, kumbe tichurches of God, kumbe tin'wana ta tonas; mi tama ma hari Mapentekostal, mi tshika misisi ya n'wina yi tsemetiwa, na ku ambala ntsena hi ndlela yin'wana na yin'wana leyi mi yi lavaka. Wa vona? Mi ringeka ku endla sweswo, ku tlhelela endzhaku mi ya va na nd huma na rixaka lero biha leri hi hanyaka na rona.

Loko, lexi i xidyoho lexi kulukumba xa siku ra hina. I xidyoho lexi kulukumba exikarhi ka vanhu va ka hina, misava, tani hilaha Bibele yi nga vula leswaku Laode-... Nguva ya Laodekiya a yi ri xiswona. I ya misava, "Yi fuwile, a yi pfumali nchumu; a yi swi tivi leswaku a yi ambalanga nchumu, u ni khombo, u xisiwana, na swona a wu voni." Xexo i xidyoho xa siku ra hina. Loko mi twa Rito ra Xikwembu ri huwelela ku lwisana na xona, kutani mi teka ndlela leyin'wana, mi va lava ngariki na nd huma na misava. Mi ringeka ku tlhelela endzaku.

<sup>146</sup> Ndza swi tiva. Mi tshamela ku ndzi byela. Ndza swi tiva mi le ku vuleni ka leswaku, "Nkarhi hinkwawo." Ndza swi tiva leswaku ma karhala hi kuva mina ndzi tshamela ku tshikelela ehenhla ka swilo leswi. Ndza karhala ku mi vona mi xi endla, na mina, hi swona sweswo, xidyoho lexi ndzi ringetaka ku mi byela hi xona. Mi ri, "Xana u tshikelela ehenhla ka xona hikokwalaho ka yini?" Tshika ku xi endla, kwalaho. Ndzi le ku ringetenka ku ponisa vutomi bya n'wina, hi Rito. Ndza karhala, na mina. Swingaleswi, ntsena swi lulamiseni. Lexi i xidyoho, a xi fanelanga ku endliwa. Ina, nkulukumba.

<sup>147</sup> Hi fanele ku hlula swilo leswi. Hi langutele ku ringiwa hi yona, misava. "Loko mi rhandza misava, swilo swa misava, rirhandzu ra Xikwembu a ri kona eka n'wina," ku vule Yesu.

<sup>148</sup> Sweswi hi to pfala, na ku vula leswi. Kuna hakelo eka muhluri.

<sup>149</sup> Mi nge ndzi mi hlayela swin'wana lahwani. Pfulani eTibibeleni ta n'wina. A hi tlheleleni endzhaku eka Nhlavutelo, ka vu3, kavanyisa ka vu2. Vonani lahwani sweswi, hinkwaswo swilo leswi a ndzi ri karhi ndzi vulavula hi swona, ku hlula. Sweswi ntsena tilanguteni n'wina vinyi ivi mi vona. Tikambeleni n'wina vinyi eka nghilazi ya ximoya yo tilanguta hi yona, mi vona loko mi hlurile.

<sup>150</sup> Sweswi, hungu ro sungula, eka—eka ntsumi ya Efesa, ndzi lava leswaku mi yingisa leswi A nga swi vula. Kutani eka Nhlavutelo, kavanyisa ka vu2, ndzimana ya vu7. Leswi swi ya eka nguva ya kereke liya, loko A ta va byela hinkwaswo leswi va nga swi endla, "Va sukerile rirhandzu ra vona ro sungula." Ndzimana ya vu7:

*Loyi a nga ni tindleve, a yingise leswi Moya wu swi byelaka tikereke; Loyi (munhu, ku ngari kereke) . . . Loyi a nga ta hlula—hlula Ndzi ta n'wi nyika ku dya murhi wa vutomi, lowu nge xikarhi ka pharadayisi ya Xikwembu.*

Wa vona? Vahluri va le Efesa.

<sup>151</sup> Sweswi, leyi landzelaka a kuri Smirna. Sweswi, eka vahluri va kwalano, hi twa leswi. Sweswi, ndzimana ya vu11.

*Eka loyi—loyi a nga ni tindleve, a yingise leswi Moya wu swi byelaka tikereke; Loyi a nga ta hlula a ngaka a nga vavisiwi hi rifu ra vumbirhi.*

Wa vona? Va ri hlurile.

<sup>152</sup> Sweswi, sweswo, sweswi langutisani eka Pergamo, hi ta swi kuma leswaku muhluri a saleriwe hi yini, eka leswi. Hi ta hlaya ndzimana ya vu17, eka kereke ya Pergamo.

*Loyi a nga na tindleve, . . .*

Yaloye, i munhu un'we, ku ngari ntlawa hi ku angarhela. Munhu un'we, yaloye i Mutekiwa a humelaka ehandle, ma swi vona, i Kereke.

*Loyi a nga ni tindleve, a yingise leswi Moya wu swi byelaka tikereke; Eka loyi a nga ta hlula Ndzi ta n'wi nyika ku dya manna lawa ya fihliweke, nakona ndzi ta n'wi nyika ribye ro basa, leri ku tsariweke ka rona e vito lerintshwa, leri nga tiviwiki hi munhu loko a ngari loyi a ri amukelaka.*

Sweswo i swa muhluri, wa nguva ya kereke yaleyo.

<sup>153</sup> Sweswi, leyi landzelaka i Tiyatira. A hi kumeni leswi muhluri a ri na swona eka siku rero. A hi tekeni ndzimana ya vu26.

*Kutani loyi a nga ta hlula, a tiyisela ku endla mintirho ya mina ku yisa emakumu, Ndzi ta n'wi nyika ku fuma ehenhla ka matiko: (Hi swona sweswo.)*

*Kutani . . . U ta ma fuma hi nhonga ya nsimbhi; kutani ma ta fayeteriwa ku kotisa timbita ta vumba: hilaha na Mina ndzi nga nyikiwa hakona hi Tatana.*

Wa vona, “Na Yena, e xiluvelweni xa Yena.” Kreste u ta fuma matiko, hi nhonga ya nsimbhi. Kutani hi leyi Kereke leyi nga ta hlula, “Yi tshamile kwalahaya, na Yena, ku fayetela matiko hi nhonga ya nsimbhi.”

<sup>154</sup> Sweswi a hi va yiseni eka kereke ya Sarda. Sweswi ndzimana ya vu5 ya kavanyisa ka vu3.

*Loyi a nga ta hlula, u ta ambala tinguvu leto basa; kutani Ndzi ngaka ndzi nga suli vito ra yena ebukwini ya vutomi, kambe Ndzi ta vula vito ra yena emahlweni ka Tatana, ni le mahlweni ka tintsumi leto kwetsima.*

Sweswo i swa muhluri eSarda.

<sup>155</sup> Sweswi, a hi tekeni sweswi ndzimana ya vu12. Sweswi, leswi i swa kereke ya—ya Filadelfiya, eka ndzimana ya vu12.

*Loyi a nga ta hlula Ndzi ta n'wi endla phuphu etempeleni ya Xikwembu xa mina, kutani a ngaka a nga ha humi: kambe Ndzi ta tsala ehenhla ka yena e vito ra mina, vito ra Xikwembu xa nga, ni vito ra doroba ra Xikwembu xa nga, wu nga Yerusalem lontshwa, lowu xikaka hi le tilweni eka... Xikwembu: Kutani Ndzi ta tsala ehenhla ka yena e vito ra mina lerintshwa.*

<sup>156</sup> Vonani leswi muhluri a tshembhisiwaka swona. Wa vona?

Sweswi, sweswi Laodekiya, yaleyo i nguva ya kereke yo hetelela. Ku tava na vahluri vo karhi kwalahaya. Vonani lahwani. Vona, tsundzukani, nguva ya kereke yin'wana na yin'wana, leyi yi yi landzelaka yi dya ndzhaka ya hinkwaswo leswi letin'wana ti nga swi nyikela. Vonani lahwani. Sweswi, laha, hi loko va tava va kumile matimba hinkwawo, mavito lama mantshwa, na hinkwaswo leswi nga tsariwa, leswi A nga swi tshembhisa, na ku dya manna lama fihiweke, na hinkwaswo ku rhelela ehansi. Vonani nguva ya kereke leyo hetelela, Nhlavutelo 3:21.

*Eka loyi a nga ta hlula Ndzi ta n'wi nyika ku tshama na mina e xiluvelweni xa mina, (amen), kukotisa loko na mina Ndzi hlurile, kutani ndzi tshamile na Tatana exiluvelweni xa yena.*

*Loyi a nga ni tindleve, a yingise leswi Moya wu swi byelaka e tikereke.*

<sup>157</sup> Ku na hakelo eka vahluri. Tshikelela u ya emahlweni, konwa. Loko swi ri endzeni ka wena, veka ndzhope etlhelo na hinkwaswo leswin'wana, kutani u tshikelela ku kongoma ehenhla. Ina, nkulukumba. “Ku tshama na Mina e xiluvelweni xa Mina.”

<sup>158</sup> Ma swi tiva, nkarhi wun'wana, manana wa Yakopo na Yohana... A hi nge vi na nkarhi wo swi hlaya. Mana wa Yakopo na Yohana u tile a ta kombela ndhawu ley. Ma swi tiva sweswo? Ma swi tsundzuka sweswo xana? [Nhlengeletano yi ku, “Amen.”—Muhleri.] “Hosi, pfumelela jaha ra mina ri tshama eka tlhelo rin'we, kutani jaha ra mina lerin'wana ri tshama eka lerin'wana.” Hi kwaloko ku navela ka manana eka jaha ra yena.

Kambe vonani. Kambe, “Ndhawu yaleyo,” Yesu u teri, “yi hlawuleriwe emahlweni.” Xiyimo lexi a xi nga ri kona hi nkarhi luwa. Hikokwalaho ka yini? Xiyisisani. “Xi ta nyikiwa lava xi nga lulamiseriwa vona.” Yini? Loyi a ta tshama evokweni ra xinene, na loyi a tava ekusuhi swinene na Yena, a va tava vahluri. Wa vona? A xi tama xi ri... U teri, “A ndzi—ndzi nyiki leswi. Ndzi ngaka ndzi nga swi nyiki leswi, kambe swi

ta nyikiwa endzhaku ka loko ku ringiwa ku fikile.” Amen. Wa vona? “Ndzi ngaka ndzi nga swi nyiki leswi. Kambe endzhaku ka loko ku ringiwa ku fikile, va ta tshama evokweni ra xinene na ra le ximatsini. Kuna mbewu leyi hlawuleriweke emahlweni leyi nga rindzela sweswo le handle. Swi ta nyikiwa lava swi nga tshembhisiwa vona. Swi ta nyikiwa kwalahaya, kambe ku ringiwa a ku se fika; leswaku, a nga se hlula.” Wa vona?

<sup>159</sup> Munhu loyi a fanele ku teka ndhawu leyi etlhelweni rin’we, kutani loyi un’wana a yi teka eka lerin’wana, ekusuhi na Yena eka Mfumo, a swi nga se nyiketiwa, wa vona, a ku nga se hluriwa. Ndzingo a wu nga se wa. “Wu ta wa enkarhini lowu taka.”

“Loko hi xanisekela Kreste na Rito ra Yena, hi ta ya fuma na Yena, hikuva hi Yena Rito.” Tsundzukani, “Loko hi xanisekela Yena na Rito ra Yena, hi ta ya fuma na Yena, eRitweni ra Yena.”

<sup>160</sup> Xiyisisani. Yena, Xikombiso xa hina, u hlurile, kutani a tlhandlukela ehenhla, endzhaku ka loko A hlurile rifu, tihela, vuvabyi, sirha. Hinkwaswo, U swi hlurile. “Kutani U tlhandlukerile ehenhla, nakona u byisile mahlonga, a nyika vanhu e tinyiko.” Yaleylo a kuri Testamente ya Khale, na vakwetsimi va Testamente ya Khale lava va nga hlula. A va langutele Munhu wo tani hi yaloye, kutani va file loko Swi nga se fika lahaya. Kambe loko Munhu loyi a fika, “A swi va sivelanga lava a va etele.” Amen. Va ngaka va nga lahlekeriwi, hambiswiritano. Ku hanya kumbe ku fa, xana hi hikwihi ku hambana loku swi ku endlaka? “Swi ngaka swi nga siveli.” Wa vona? A va languterile sweswo.

<sup>161</sup> Hambi kuri Yobo endzhaku lahaya, a swi languterile. U teri, “Ndza swi tiva leswaku Mukutsuri wa mina wa hanya, nakona hi masiku ya makumu U ta yima ehenhla ka misava.” Hi luya wanuna wo lulama, wanuna wo hetiseka. U humesile gandzelo. U endlile hinkwaswo leswi Xikwembu xi nga n’wi byela ku swi endla. U swi endlile hi ku tshembheka na xichavo. A ri muprefeta. Kutani Sathana u yile eka yena, kuya n’wi ringa. (Ntsena tani hilaha a taka ku ta mi ringa.) Xana u endlile yini? U yile emahlweni a yima kwalahaya.

Nsati wa yena na yena u tile, a ku, “Hikokwalaho ka yini u nga rhukani Xikwembu kutani u fa kunene? U languteka u ri na khombo loko u tshamile kwalano.”

<sup>162</sup> Yena a ku, “U vulavula kukotisa wansati wa xihunguki.” Sweswi, a nga kalanga a vula leswaku a ri xihunguki, kambe a vulavula kukotisa yena. Wa vona? A ku, “U vulavula ku kotisa wansati wa xihunguki.” A ku, “Hosi yi nyikile, kutani Hosi yi tlhele yi teka; a ku dzunisiwe Vito ra Hosi.” U hlurile.

<sup>163</sup> U hlurile leswi vaakelani a va swi vula. U hlurile leswi hinkwaswo swirho swa kereke, Bildad na lavan’wana hinkwavo, a va ta swi vula. U hlurile bixopo na leswi a ta swi vula. U hlurile mukhadinara na leswi a ta swi vula. U hlurile dinominexini,

leswi a va ta swi vula. Nakona u tshamile na ku lulamisiwa ka Rito. Amen. Hambiswiritano, swi n'wi tekerile swilo hinkwaswo leswi a ri na swona, hambi kuri vana va yena. U tin'wayile marhumba hi xiphemu xa xirhengele, a tshamile eka leswi, hambi swi ri tano u hlurile. Kutani loko awara leyikulu ya ku ringiwa yi hetelele yi humeleta, kutani mapapa ya pfulekile.

<sup>164</sup> U langutile nchumu wun'wana na wun'wana lowu anakanyekaka. A ku, "Kuna ntshembho eka nsinya loko wu fa; wu tlhela wu hanya nakambe. Kutani mbewu yi wela emisaveni, yi bola; yi tlhela yi hanya nakambe. Kambe munhu loko a file u nyiketa moyo wa yena; kutani u helerile. Kutani vana va yena va ta, majaha ya yena, ku ta n'wi xixima na ku n'wi rila; a nga swi twi. A nga ha tlheli a pfuka. Oho, hi luya lahaya. Xana xiphiqo i yini? Ndzi mbewu, na mina. Ndzi nchumu wun'wana, lowu nga mbewu, kutani ndzi ta ya emisaveni. A ndzi nge he tlheli ndzi pfuka. Ndzi ta etlela kwalahaya. Oho, ndzi fihle esirheni, u ndzi pfalela exivandleni xa xihundla vukarhi bya Wena byi ko byi hundza. U ndzi vekela siku leri u nga ta ndzi avanyisa ha rona. Ku ngaku loko maribye ya rhetemuka evutshan'weni bya wona, mati ya hlula ribye." Oho, u yile emahlweni, a ri karhi a vula swilo leswi. A kota ku vona swikombiso hinkwaswo swi ri ehandle lahaya, leswi a swi ri xiswona. Oho, ntsena a nga ta swi vona.

<sup>165</sup> Kutani, Sesi Rodgers, wa tsundzuka loko ndzi chumayela sweswo enkosini wa Busty. Wa vona?

<sup>166</sup> Hilaha, sweswo, "U ta khunguluxa ribye," hilaha swilo leswi. "Oho, O Wena, ndzi fihle esirheni, u ndzi pfalela exivandleni xa xihundla." U yile emahlweni a ri karhi a tshirekelela. A ku, "Ndzi navela loko a ndzi ku tivile. Ndzi navela loko a ndzi ku tivile laha ndzi nga yaka kona, eka Munhu loyi a nga tlhandlekaka mavoko ma Yena ehenhla ka mina, munhu wa vudyoho, na Xikwembu xo kwetsima, kutani a ndzi vulavulela na Xona." Oho, mina! "U kona. Ndza swi tiva leswaku U kona. Kuna Un'wana Lahaya loyi a nga swi endlaka sweswo. Kuna Un'wana kun'wana. Xana ndzi nga n'wi kuma kwihi Munhu yaloye? Xana ndzi nga n'wi kuma kwihi? Ndzi nga gogondza enyangweni wa Yena kutani ndzi vulavula na Yena. Loko Un'wana a nga tlhandleka voko ra Yena ehenhla ka mina, nale henhla ka Xikwembu, kutani—kutani a ndzi hlanganisela ndlela, a vulavula! Loko ntsena ndzi nga kuma Munhu yaloye! Oho, xana U le kwihi?"

<sup>167</sup> U lavalavile ekerekeni ya yena. U lavalavile eka vandla ra yena. A nga n'wi kumanga Munhu wo tani hi yaloye.

<sup>168</sup> Kutani xikan'we-kan'we, mapapa ma pfuleka, ivi a vona Munhu yaloye a ri karhi a ta. Oho! Mbilu ya yena ya khale yi ba hi ntsako. Kutani swin'wana swi humelerile. "Ndza swi tiva leswaku Mukutsuri wa mina wa hanya. U kona Munhu wo tani hi yaloye." Amen. Wa ha ri kona Munhu wo tani hi yaloye. "Ndza

swi tiva leswaku Mukutsuri wa mina wa hanya. Na hambi loko, endzhaku ka loko swivungu swa nhlonge swi onhile miri lowu, ndzi ta vona Xikwembu ndza ha ri enyameni ya mina, Lexi ndzi nga ta xi vona hi ndzexe. Xi ta yima emisaveni hi siku ra makumu.”

<sup>169</sup> Emixweni luwa wa Paseka, loko A ta pfuka a ya le handle, kutani miri wa Yobo wu nga ha tati na lepula ra nkuma, a rindzerile. A ri Ntlawa luwa wu nga hlawuriwa. U pfukile esirheni kutani a nghena dorobeni, a ri na Abraham, Isak, Yakopo, Yobo. Oho, mina! Amen. Hikuva, a va langutele Munhu wo tani hi yaloye.

<sup>170</sup> “Eka lava Va langutelaka Kreste ra vumbirhi,” lava nga ta hlula swilo swa misava leyi, hi tintswalo ta Yena, ku ta eka Yena, na ku pfala matihlo ya n’wina eka swin’wana na swin’wana handle ka Yena na Rito ra Yena, “U ta humelela ra vumbirhi eVukwetsimelweni.”

“Hikuva mhalamhala ya Xikwembu yi ta twakala, lava feleke ka Kreste va ta pfuka; lava va hanyaka na ku sala va ta ncinciwa, hi nkarhi nyana, hi ku copeta ka tihlo, va ta vutliwa kun’we, ku ya hlangana na Yena empfhukeni.”

<sup>171</sup> Hambi ndzi ri nkuma lowu wu tataka lepula, kumbe hambi ndza hanya loko A vuya, a swi endlia ku hambana eka mina. Amen. A swi na mhaka, hikuva ndzi khomile xivono. Nguvu yi funungulekile, kutani ndza N’wi vona. Loyi a nga ta kota ku yima, kutani a tlhandleka voko ra Yena ehenhla ka mina, munhu wa vudyoho, na le henhla ka Xikwembu lexo kwetsima. Kutani hi Yena ku xavelela ka mina. Hi Yena Rito leri ndzi yimelaka Rona. “Eku sunguleni Rito a ri ri kona.” Hi yena Rito rero, nakona U yimela mina, Lahaya. Amen. Kutani ndzi ta ri huwelela, ntsena loko ndza ha hefemula, “Hi yena ku Pfuka na Vutomi bya mina.” Kutani misava leyin’wana hinkwayo i sava leri mbombomelaka. Misava leyin’wana hinkwayo i sava leri mbombomelaka.

<sup>172</sup> Tani hilaha A nga vutla lava a va languterile sweswo, U ta ta na le ka un’wana na un’wana wa vakwetsimi va Testamente Leyintshwa lava nga hlula musandzi un’wana na un’wana wa dinominexini, loyi a nga tshama a hlula vudyoho hinkwabyo lebyo tolloveleka bya siku leri, bya nguva leyi hi hanyaka eka yona sweswi, tani hilaha A nga endlisa xiswona eka tinguva letin’wana hinkwato ta kereke, lava nga hlula eka nguva ya kereke yaleyo. Lava va hlulaka yini? “Ndzi fuwile. A ndzi pfumali nchumu. Ndzi na... Oho, ndzi hinkwaswo *leswi* na hinkwaswo *leswi*. Nakona ndzi Mutekiwa. Ndzi *leswi*. A ndzi pfumali nchumu.’ Nakona a wu swi tivi leswaku a wu ambalanga, a wu voni.”

<sup>173</sup> Ma yi vona nguva liya ya vuxisi leyi a ndzi yi vula? A swi fani na vona lava a va tseminiwa tinhloko ta vona, le ndzhaku,

kuva va kuma ribye ro basa; ku ngari lava va nga fa ehansi ka ku xanisiwa, kutani va hisiwa hi timhandzi, na swilo swo tani hi sweswo; lava nga wina xidlodlo. Kambe i nguva leyi xisaka sweswi, lava va ehleketa leswaku va hinkwaswo. “Kunene, ndzi xirho xa kereke. Ndzi munhu wa kahle. Ndzi wansati wa kahle. Ndzi endla *leswi*. A ndzi boheki ku endla *Leswi*.”

<sup>174</sup> “Kambe loyi a nga ta hlula,” loyi a nga ta hlula swilo hinkwaswo leswiya swa misava swa nguva leyi, xana va ta endla yini? Hinkwavo va ta tshama na Yena e Xiluvelweni xa Yena; va ta famba hi ku Vutliwa loko A vuya. Oho, mina! Hikokwalaho ka yini ndzi ri na mhaka, manuku? Hi swihi leswi a hi tava na mhaka na swona leswi misava yi swi vulaka? Hi swihi hi nga tava na mhaka na swona eka leswi munhu wihi na wihi a swi vulaka? Moya lowo Kwetsima lowu kulukumba wu le xikarhi ka hina. Langavi ra Ndzilo ra Yena ra hi rhangela na ku hi fambisa. Rito ra Yena ri tiyisisiwa emahlweni ka hina. Rirhandzu ra Yena ri le timbilwini ta hina. Misava yi le ndzhaku. Hi hundzile ekufeni kuya eVuton’wini. Misava yi ehleketa leswaku ma hlanya.

Kambe xana Yesu u fanele ku rhwala  
xihambano lexi a ri yexe,  
Kutani misava hinkwayo yi famba mahala?  
Kuna xihambano xa un’wana na un’wana,  
Nakona kuna xihambano xa mina.

<sup>175</sup> Makume nharhu-nharhu wa malembe ensin’wini, nakona xihambano lexi xa ku tinyikela ndzi ta xi rhwala ku kondza rifu ri ndzi ntshuxa.

<sup>176</sup> Tshikani vamakwerhu va mina va ndzi ala, va vula hinkwaswo leswi va swi lavaka, leswi swi ndzi tsan’waka. Kambe Rito *leri* ndzi yima eka rona, nakona Leri ntsena.

Xihambano lexi xa ku tinyikela ndzi ta xi  
rhwala  
Ku kondza rifu ri ndzi ntshuxa,  
Kutani ndzi ya eKaya, hi ku Vutliwa, na  
xidlodlo xo ambariwa.

<sup>177</sup> Sweswo hi leswi hinkwerhu hi swi lavaka. A hi swona xana? [Nhlengeletano yi ku, “Amen.”—Muhleri.] Sweswo hi leswi hi swi lavaka. Wolowo i ntshembho wa hina—wa hina na xikombelo. Ku ngari mianakanyo yin’wana leyi hi nga na yona, kambe liya yi nga ehenhla ka Yesu Kreste. Kutani ehenhla ka vululami bya Yena ha yima, hi ri hexe, nakona vululami bya Yena eRitweni ra Yena. “Kutani Rito ri endliwile nyama kutani ri tshama exikarhi ka hina.” Nakona Rito ra ha ri eku tikombiseni hi Roxe.

<sup>178</sup> Ku hlurisa ku yini? Hi ku teka Rito, xitshemphiso, hi ku titsongahata, ku famba hi ku tiyisa ehansi.

Xihambano lexi xa ku tinyikela ndzi ta xi  
 rhwala  
 Ku kondza rifu ri ndzi ntshuxa,  
 Kutani ndzi ya eKaya, na xidlodlo xo  
 ambariwa.

<sup>179</sup> Hikuva, “Loko Mhalamhala liya yi twakala!” Mi nga ndzi lahla elwandle, kambe Mhalamhala yi ta ndzi pfuxa. Swi lulamile. Ndzi ya eKaya, siku rin’wana. Amen. Nkarhi wolowo wu kondza wu fika, ndzi ta phikelela kuya emahlweni, amen, ndzi rhwele xihambano lexi; ndzi nga vekanga matihlo ya mina eka vanhu, kambe emhandzini ya Xihambano lahaya, hikuva A ri xikombiso xa mina. U kombisile leswaku swi endlisiwa ku yini. Kutani xikombiso xa Yena, hi ta xi landzela hi ku tsaka, siku na siku.

Ndzi landzela Yesu eka goza rin’wana na  
 rin’wana ra ndlela.

Ndzi landzela Yesu eka goza rin’wana na  
 rin’wana ra ndlela.

<sup>180</sup> Xana a mi swi tsakeli sweswo? [Nhlengeletano yi ku, “Amen.”—Muhleri.] Oho, hilaha ndzi ehleketa hakona, ku N’wi landzela, siku na siku, goza rin’wana na rin’wana ra ndlela.

A hi khongeleni.

<sup>181</sup> Hosi Yesu, awara na khume ntlhanu wa timinetse sweswi, ndzi yimile lahawani, ndzi ri karhi ndzi ringeta ku teka Rito ra Wena na ku hlamusela vanhu leswaku ku hlurisiwa ku yini. U hi byerile leswaku swi endlisiwa ku yini. A wu lo hi byela ntsena, kambe U kombisile leswaku swi endlisiwa ku yini. U hi rhangerile. U hi kombisile leswaku swi endlisiwa ku yini: ku amukela Rito endzeni ka hina, na kuva na ku tiyisisa ku khomelela eka Rito rero, “Ku tsariwile,” eka ndzingo wun’wana na wun’wana; kambe hi titsongahata, hi famba hi ku titsongahata. Kutani hi hlurile, ha Wena, hi matimba ya Wena lawa ku nga khale ya hlurile nala wa Wena. Kutani nchumu wun’we ntsena lowu hi faneleke ku wu endla kova ku—ku famba hi ku titsongahata hi ripfumelo, hi ri karhi hi pfumela Sweswo, na beji ya hina ya vutitivisi bya Moya lowo Kwetsima, kutani Sathana u boheka ku suka.

<sup>182</sup> Kuna swidukwana swi nga vekiwa lahawani. Swi yimele vavabyi. Va ni swilaveko, Hosi. Nakona va hlayile Rito leri nga tsandzekiki laha va nga teka swidukwana na tifasikoti ku suka emirini wa Mukwetsimi Paul. Swi tlhandlekiwile ehenhla ka vavabyi. Mimoya leyo biha yi humile eka vona, na swona mahlori lamakulu ma endliwile. Sweswi, Wa ha ri Hosi Yesu Kreste loyi a fanaka namuntha.

<sup>183</sup> Paul u chumayerile Rito leri, na ku tsala Rito leri, Rito leri fanaka leri hi ringetaka ku ri landzela. Hikuva, u tekile Testamente ya Khale kutani a yi phetanisa, kutani a kombisa

leswaku a yi ri xifaniso, leswaku Testamente ya Khale hinkwayo a yi ri xifaniso lexi hetisekeke xa Leyintshwa. O Hosi, ingaku hi nga landzela xikombiso xexo.

<sup>184</sup> Hi vona Hosi ya hina, leswi Yi nga swi endla. Kutani hi lemuka leswaku, vakwetsimi lavaya va Testamente ya Khale, emixweni lowu, hi kuma leswaku va fambile. Loko Yesu a pfuka, va fambile na Yena. Kutani, Hosi, hi pfumela leswaku hi ta famba loko A chaya Mhalamhala. Ha swi pfumela, leswaku Mutekiwa u ta famba hi siku rero nakona u ta hlangana na—na ntlawa wa Vaheveru va Rona, kutani, swin'we, ku tava na Nkhuvu wa Vukati eVukwetsimelwensi. Valava va rindzerile.

Sweswi hi khongelela ntsetselelo wa Wena na tintswalo ehenhla ka hina. Vahluri, Hosi, vahluri, hi navela kuva vona. Hi hluleli. Hosi Yesu, U hlurile misava. Sweswi ndza khongela leswaku U ta pfumelela munhu un'wana na un'wana lahwani, emixweni lowu, "Cukumeta vudyoho hinkwabyo, cukumeta hinkwako ku tikeriwa loku ku hi karhataka, leswaku hi ta tsutsuma hi ku tiyisela empfhukeni lowu hi vekereweke wona."

<sup>185</sup> Paul u virile leswi, Tatana wa hina wa le Matilweni, lahaya eBukwini ya Vaheveru, leswaku, "Hi fanele ku cukumeta hinkwaswo leswi hi tikelaka," sweswo i kavanyisa ka vu 12, laha a nga vulavula leswi, endzhaku ka loko a kombisile hi xikombiso, endzhaku lahaya: lava va nga hundzela emahlweni; lava va nga hundzelangiki emahlweni; lava va nga landzela hi ku kufumela; lava va nga landzela hi le mahlweni; lava va nga salela endzhaku. Hinkwaswo, u kombisile swikombiso. Kutani u hundzulukile a ku, "A hi cukumeteni hinkwaswo leswi hi tikelaka, nchumu wun'wana na wun'wana lowu wu hi karhataka, leswaku hi ta tsutsuma hi ku tiyisela empfhukeni lowu hi vekereweke wona; hi ri karhi hi languta eka Yena, mutsari na muhetisi wa Ripfumelo ra hina, Loyi a nga hi nyika xikombiso." Hi endla sweswo emixweni lowu, Tatana.

<sup>186</sup> Sweswi, loko ha ha korhamisile tinhloko ta hina, sweswi kambelani hi vukheta swinene sweswi, swinene, swinene hi vhukheta. Nakona, kutani, mi va na ku tshembheka loku kulu swinene. Ntsena swi—ntsena swi teka... Swi teka sweswo ntsena: ku kambela ka n'wina na ku tshembheka ka n'wina. Mi va na vukheta swinene loko mi ri karhi mi kambela sweswi. "Ndzi kambele, Hosi. Ndzi ringeti. Xana ku ngava kuri na vubihi eka mina? Loko byi ri kona, Hosi, ndzi pfumeleli ndzi byi veka ehansi, kona kwala sweswi. Ndhawu leyi, laha ndzi nga korhama kona, i altari ya Wena. Ndzi byi veka ehansi, kona kwala sweswi, ndzi tlhandleka nenge wa mina ehenhla ka byona. Loko ndzi suka ndzi famba, byi ta sala byi tshamile lahaya. Matimba ma Ngati ya Wena ma ta byi herisa. Ndzi lava kuva muhluri. Ndzi na swin'wana leswi ndzi karhataka, Hosi. Ndzi lava ku hlula, emixweni lowu. Ndzi nga swi kota, ha Wena. Ndzi byeriwile sweswo, hi Rito ra Wena. Ndzi byi veka ehansi sweswi, Hosi,

nakona ndzi tlhandleka nenge wa mina ehenhla ka byona. Loko ndzi ri karhi ndzi humela ehandle ka muako lowu emixwени lowu, ndzi famba, ku ya tiva leswaku byi hoxiwile endzeni ka—ka bavhu ra bličhi ya Xikwembu. A byi nge he pfuki byi tsundzukiwile na kan'we. Ndzi ta byi vula sweswi na ku kombela ntsetselelo.”

<sup>187</sup> Loko ha ha korhamisile tinhloko ta hina, matihlo ya hina ya pfariwile; timbilu ta hina ti ri karhi ti ehleketa, wolowo i nyangwa wo ya eka munhu wa le ndzeni sweswi. Xana ku ngava kuri na swin'wana leswi mi lavaka ku swi cukumeta emixwени lowu, swin'wana leswi mi lavaka ku swi hlula? Nakona mi ringetile hi matimba, kambe, emixwени lowu, ntsena mi ta tshika ku ringeta ku tshika. Ntsena mi ya eku ringetenka ku amukela leswi A nga swi endla. Ndzi lava ntsena leswaku u yimisa voko ra wena, u ku, “Hosi, ndzi lava ku hlula. Nchumu wun'wana wa ndzi karhata.”

<sup>188</sup> Hosi Yesu, Wa ma vona mavoko lawaya. Sweswi, tani hi nandza wa Wena, ndzi yima exikarhi ka lava hanyaka na vafi, ndzi avanyisa hinkwaswo leswi karhataka vanhu lava na mina. Nakona ndza swi kombela hi Vito ra Yesu Kreste, leswaku hi ta swi siya kwala altarini ya Xikwembu, kutani hi suka hi famba emixwени lowu, hi ntshuxekile, tani hi vahluri.

<sup>189</sup> Loku kuri leswaku vasesi va hina a va vanga na tintswalo eku sunguleni, ingaku va nga nyikiwa tona sweswi, Hosi. Loko kuri leswaku vaboti va hina a va vanga na tintswalo, ingaku va nga nyikiwa tona sweswi. Nakona ingaku, hi ku titsongahata, manana na vana va yena, ematshan'weni ya ku honisa. Wa swi tiva leswaku u tshamile . . . Hi yena muchumayeri eka vana lavaya vantsongo. Vutomi bya yena i xikombiso. Papa i xikombiso eka manana, hikuva hi yena nhloko ya muti. Manana a ri karhi a ringeta ku n'wi lawula; a ngaka a nga ha swi endli nakambe. Loko tatana a tirhisile manana tani hi sangu, a swi nga ha pfuki swi endliwile. Manana i mupfuneti. Hi nyike swona, Hosi. Ingaku hinkwaswo swilo leswi swi hi sivelaka, Hosi, swi nga yisiwa ekule.

<sup>190</sup> Hi—hi le ku tinyikeleni hina vinyi, Tatana, hikokwalaho ka nkarhi wa vutomi lebyi hi nga na byona emahlweni ka hina, hi ri karhi hi tiva leswi, leswaku hi fanele ku fika emakumu ka swona, nakona sweswo hi nkarhi wolowo. Swingaleswi, emixwени lowu, hi teka nkateko lowu, endzhaku ka Hungu leri. Hi teka nkateko, Hosi, wa ku ta, hikuva hi lerisiwa ku ta. “Rhulelani ku vilela ka n'wina ehenhla ka Yena, hikuva U na mhaka na n'wina.” Ndza swi tiva leswaku U na mhaka, Hosi. U vile na mhaka ku kondza u hi fela. Kutani hakunene hi ngava na mhaka ku ringanelka ku ta hi ta amukela leswi U nga fela swona.

<sup>191</sup> Hi kwetsimise, Hosi. Hi tate hi vuntshwa hi Moya lowo Kwetsima. Ingaku Moya lowo Kwetsima wu nga fuma

etimbilwini ta hina, hi matimba, leswaku hi ta famba, hi rivala swilo leswi nga enkarhini lowu nga hundza, thyaka na ridaka leri hi nga tshama hi hanya eka rona. Hi ta tshikelela ku kongomana na mfungho wa ku vitana ka le henhla, laha timboni ta hina ti nga ta vangama hi musa na ku titsongahata, ku kondza muhundzi un'wana na un'wana wa ndlela a nga ta ku, "Kuna Mukreste loyi a hanyaka ehenhla ka ntshava liya lahaya. Munhu luya, wansati luya, wanuna luya, i xiluva xa Xikwembu lex tinyikeleke hi xiviri. Va ni musa swonghasi na kuva na vunene swonghasi, va rhandza hi minkarhi hinkwayo na kuva na musa, na ku twisisa." Hi nyike swona, Tatana. Hi pfumelele kuva hi lunga, leswaku misava yi ta twa torha; hi nyike swona, Tatana; na ku hlula swilo swa misava leyi, na ku vilela ka vutomi lebyi. Hi Vito ra Yesu Kreste. Amen.

Ndzi nga . . .

Sweswi ntsena a hi yimiseni mavoko ya hina.

. . . Muponisi . . .

U vitana yini? "Tanani ehenhla, ehandle ka ndzhope." Vutomi bya le henhla; Swin'wana swi le ndzeni ka n'wina, swi mi kokela endleleni liya. Xana i yini? Hi Yena. Le hansi ka ndzhope, swiluva leswintsongo; mi na Vutomi kwale ndzeni, lebyi mi tshikelelaka. Sweswo hi leswi swi mi vitanaka, "Tanani ehenhla, ehandle ka ndzhope."

Landza, landza . . .

<sup>192</sup> Sweswi, xana ma swi tiyisisa? Sweswi pfalani matihlo ya n'wina.

Laha A ndzi yisaka kona ndzi ta lan- . . .

Sweswi titshikeni n'wina hi n'wexe. Mi vula sweswo, sweswi.

Laha A ndzi yisaka kona ndzi ta landzela,  
Laha A ndzi yisaka kona ndzi ta landzela,  
Ndzi ta famba na Yena, na Yena, ndlela  
hinkwayo.

Laha A ndzi yisaka kona ndzi . . .

Ntsena hi musa sweswi. Tsundzukani, tivekeni ehansi lahaya.

A yisaka . . .

"Ndzi ta byi veka lahaya, Hosi. Ndzi ya eku landzeleni ka Wena, ku sukela sweswi. Ndza Swi amukela. Ndza Swi pfumela."

Laha A yisaka . . .

Tsundzukani, vutomi bya n'wina byi ta nyika vumbhoni ku tlula milomo ya n'wina. Leswi mi swi hanyaka swi ta khorwisa eka vanhu ku tlula leswi mi swi vulaka.

Famba na Yena, famba na Yena, (ndlela,  
kwihi?) ndlela hinkwayo.

[Makwerhu Branham a sungula ku hama *Laha A Ndzi Yisaka Kona—Muhleri.*]

<sup>193</sup> Ntsena tinyekeleni n'wina vinyi, hi vuenti, hi ku tshembheka, timbilu ta n'wina hinkwato. A swi to yini loko lowu a wu ri nkarihi wo hetelela kuva mi pfumeleriwa ku khongela? Wu ngava wuri wona. Ndzi navela leswaku swi ngavi tano. Wu ngava wona. Kutani, vanani na ntiiyiso sweswi, ntiiyiso hi xiviri, ntiiyixo hi xiviri. Tsundzukani, rivanti ri ta pfala, siku rin'wana, kutani swi tava swi herile. “Kombela, u ta amukela.”

[Makwerhu Branham a sungula ku hama *Laha A Ndzi Yisaka Kona—Muhleri.*]

<sup>194</sup> Ntsena ehleketa hi ku kwetsima hinkwako loku A nga mi nyika kona, hinkwaswo leswi A nga swi endla. “Ndza pfumela, Hosi. Ndza pfumela. Ndzi pfumela leswaku hi Wena muhluleri wa mina. Ntsena ndzi famba na Wena, Hosi. Ndzi lava ku tshama ekusuhi na Wena, leswaku laha U nga kona, hi laha ndzi lavaka kuva kona.”

<sup>195</sup> Kutani tsundzuka, U hi byerile, Tatana, leswaku, “Hi tava na Hosi hilaha ku nga heriki, loko hi ta vutleriwa ehenhla.” Ntsena ha ha kuva na—na xitshwati xa Yona sweswi, tani hilaha Yi fambaka na hina sweswi. Kambe manuku hi ta . . . I nchumu wa kahle njhani, ntsena ku tiva leswaku Yi le xikarhi ka hina—hina! Xana swi tava njhani loko hi tava na Yona hilaha ku nga heriki? Hi rhandza micingiriko ya hina hinkwayo: hi ngaya ehandle hi ya khandziya; hi ngaya eku xaveni; hi ngaya eku hloteni, eku phaseni ka tihlampfi, kumbe swin'wana na swin'wana leswi hi nga swi endla hi ku tsaka. Kambe, oho, loko kereke yi pfula, wa vona, hi lava ku hlangana na Hosi. Wolowo inchumu wu kulukumba eka swilo hinkwaswo. Kutani, ehleketa, Yi hi tshembhisile. “Kutani hi va na Hosi hilaha ku nga heriki. Hi tshama na Yona e xiluvelweni xa Yona, na kuva na Yona hilaha ku nga heriki.” O Xikwembu, ha titsongahata, na—na tinhloko leti korhamisiweke, ha swi amukela, Hosi, hi Vito ra Yesu Kreste.

<sup>196</sup> Xana mi twa ingaku mi nga tshiketa, sweswi, hinkwaswo, ndhwalo wun'wana na wun'wana? Mi nga ha tifambela kwalahaya, ehenhla ka swona sweswi? Loko mi pfumela, yimisani mavoko ya n'wina, mi ku, “Hi tintswalo ta Xikwembu ndzi veka ndzingo lowu ehansi. A ndzi nge wu lwisi, nakambe. Ntsena ndzi ya eku khomeni ka voko ra Xona, ndzi sungula ku famba ndzi ya emahlweni.”

“Ndzi lwile, Makwerhu Branham. Ndzi ringetile ku tshika ku dzaha. Ndzi—ndzi ringetile ku tshika misisi ya mina yi kula. Ndzi ringetile ku endla *leswi*. Ndzi endlile . . . Ndzi ringetile, hi matimba, Makwerhu Branham. Ntsena a ndzi swi koti.”

U nga swi ringeti, nakambe. Ntsena khoma voko ra Xona, u ku, “Tatana, U hoxa voko ra mina evokweni ra baj.” Wa vona? “Ntsena ndzi ta Ku nyika voko ra mina. Ndzi ta ya emahlweni ndzi famba, Hosi, ndzi langutile Wena.” Swi ta humelela. Swi ta ku ambexa tani hi Mukreste wa xiviri. U tava Mukreste wa xiviri.

<sup>197</sup> Ku kondza ndzi mi vona, vusiku bya namunlhha, Xikwembu xi mi rhandza na kuva na n’wina. Mi vana va mina va Evhangeli. Mi xaviwile.

Sweswi ndzi mi vuyisela mufundhisi wa n’wina, leswaku a ta ntshuxa, Makwerhu Orman Neville.



*XANA NDZI NGA HLURISA KU YINI?* TSO63-0825M  
(How Can I Overcome?)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mhawuri 25, 1963, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)